



髮集序

明徽歙斗城凌瑄撰

昔者聖人之作春秋其所爲凜凜于一
字之微以責備乎當時之后王君公者
莫大乎華夷之辯蓋人紀所由植立而
萬世之治忽所關也故曰春秋謹嚴鳴
呼孰知千百世之後有蒙古之亂乎夫

髮集序
一存

宋之先非無朱邪石晉拓拔之分治也
非無五胡之擾攘也然中國之統猶存
譬之雲霧薄蝕雖逾時累夕日月之光
無恙焉宋亾則正統盡矣堯舜禹湯文
武之傳絕矣以故忠臣義士生丁其時
者其激烈憤惋獨異乎他時非道之異
時使然也何則夏亾而殷興周亾而漢

興唐亾而宋興雖革命易姓不失爲中
國惟時士大夫持不事二君之志則有
甘心巖壑而已乃若乾坤易位日月異
行九服之內均爲左衽使夫子生斯時
其書法當何如耶謝臯羽先生家浦城
德祐之季從文丞相勤王軍敗脫身走
浙江懷留侯鄧禹之志非其時匿民間

以死其所爲晞髮集大抵以楚聲發其
不得之志而浩然之氣如白虹貫日予
得而讀之涕泗交頤直欲起先生于九
原以觀今日中國之盛而無從也嗚呼
悲哉旣與郡守邵君議以克合祠之於
翊正祠矣又出其集而梓之因爲之敘
以發明春秋之義邵君名廉南豐人以

給事中知郡事方以文章氣節名一時
其爲郡加意教化故以是託重焉
明隆慶六年歲次壬申二月之吉

晞髮集序 畢

明髮集序

明髮集序

明髮集序

明髮集序

明髮集序

明新安後學列山王景象启明撰

敘曰古稱燕趙多忼慨之士鄒魯產守
 節之儒若臯羽者可謂兼之矣昔靈均
 被放睠顧於君不能自已而醜惡害正
 實繁有徒於是綈馬閭風濯髮洧盤
 之懷阮藉之時姦宄得志佗僚僨悶途

窮廼號觀其詠懷之什殆摭其蘊而非
徒爲兒女無益之悲臯羽於宋未嘗沾
人之祿僅客文山而止耳廼懷靈均之
思慟阮生之哭是遵何說也蓋君臣之
義不可解於心夷夏易位今古之大變
時旣無要離聶政以奮祖龍之一擊又
不能得漸離之瑟報荆卿於宴漠之間

西臺之歌與楚招不謀而相符其酸楚
激烈可泣鬼神而淒入肺肝擊節而歌
也異處仲之所存晞髮而遨也匪阿騶
之故作過期而哀也雖有破山注海之
狀而悲恐失其所依饒吹古選近體雜
著之作足以闡昭大宋之英聲而凜雪
胡元之塵垢抑鬱之氣於是乎宣忠義

之懷於是乎在可謂駭元而駕柳追屈
而配阮矣一時同志之士皆振衣千仞
濯足清流自樹瓌瑋九死不變宋室養
士之報因之以彰鄒魯之風不得獨擅
於前矣然宋社旣屋之後有合尊生子
之謠雖正史所未備揆之天道要亦未
必爲無稽使臯羽有知忼慨不平之懷

或可少慰於千古云

嘉靖乙卯孟秋望日

晞髮集序

畢

謝翱集序

跋晞髮集後

余按部至海陵儲少卿靜夫出示晞髮
集一帙乃宋逸士謝翱臯羽父所著余
三復之愛其詩文竒古可法且悲臯羽
之志節將泯然不白于世也遂篋付唐
運使文載校而刻之夫君子嗜義而殞
身小人貪得而苟免使俱一時澌盡則
來者何所勸懲哉翺一布衣而樹立偉



然尤不可得後人所當亟以表章者嗚呼臯羽豈但文辭之工哉讀是集者尚論其世可也而後之大夫君子習義而弘治十四年十月上澣日文林郎監察御史郴陽馮允中書

晞髮集引

晞髮集有宋遺民謝翱臯羽所著翱之出處志行其友方鳳吳謙有狀有志太史宋公暨諸先輩有傳翱書殆百卷此集蓋其一也維宋以仁厚立國以禮誼恭讓遇士大夫比其亾也又值夷元猾夏而有之故食焉仕於朝者徃徃死其封疆社稷以就夫義命之所安而丞相文公尤光明俊偉

震動一世迄收宋三百年養士之效至於
儒碩豪傑之士窮處於家者耻淪於夷以
毀冠裂裳爲懼則相率避匿山谷間服宋
衣冠以終其身而翽則丞相嘗署以職者
計其時所以處成敗利鈍死生去就者諮
謀已定及丞相死於燕翽徬徨山澤長往
不返懷賢憤世鬱幽之意一吐於詞卒窮
以死視一時督府相從之士等死耳翽真

丞相之客也蓋其君臣之所感召師友之
所切劘故底於成就者如此嗚呼是豈一
日而然哉此集確抄於建安楊晉叔會馮
御史執之按部至海陵確出而閱之作而
嘆曰翽之樂府諸體似李賀張籍近體出
入郊島間古文則直遡柳州之派其志
潔其行廉有沉湘蹈海之風是宜傳也同
時之士泯焉不傳者多矣翽獨賴是集之

存傳翺可以想見其餘其不傳者亦或有
殘編斷簡流落人間者乎將又因之以傳
也廼篋之至揚告唐運使文載運使曰此
予雅慕其人而未見其文者遂相與刻之
而屬壻爲之引
弘治十有四年冬十月朔中順大夫太僕
寺少卿海陵儲壻識
瞻髮集引畢

跋瞻髮集

莊生曰君臣之義無所逃於天地之間
若宋遺民謝臯羽氏者以疋庶從軍起
閩粵宋亡流離閔匿吳越嚴婺間真若
無所逃者乃其憤懣幽潛嘯戛瓊琚歌
總金石巋乎風韻允矣天稟不啻分義
無所逃也夫天地有正氣有奇氣風霆

雷電氣竒而正山峙川流氣正而竒其
得之人爲節義爲文章渾然氣同也臯
羽當其時陰陽錯置元氣反覆何世可
逃秦源無桃南山無芝何地可逃赤狐
黑鳥上矰下罽何人可逃乃劬劬草草
拙爍誰憐投虎自衛寧齒無舌寧萬無
規寧鹿無馬寧龜無犧博浪袖鐵荆卿

七首異得一當無所資地晚乃慟哭巖
陵委菟白雲而其蹇產悲酸耿介慷慨
遇風日晴陰欽岑巖藪草木鳥獸輒寄
胸臆若將逃於詩者作西臺記許劍錄
晞髮集所自命也嗟夫宗周遷而黍離
存荆楚亡而離騷在豈非正氣竒氣天
地不磨滅哉乃臯羽旣棄當世世亦無

復知臯羽者其知者以爲哀文山慕子
陵爲得所托耳嗟嗟悲文山悲宋也思
子陵思光武也燕啄龍種中興真主者
誰客星者誰袖鐵伊何七首焉托孤臣
萬死不得於今或異於後倘有大有爲
之君如南陽真主不召之臣如嚴陵即
一杯尺牘比補天五石絳水九鼎矣西

稀髮集卷之一

宋粵謝翱著

目錄

遊僊萃巖麓記

自巖麓尋泉至三石洞記

月泉遊記

粵某山蜂分日記

山陰王氏鏡湖漁舍記

目錄

樂閒山房記

小爐峰三瀑記

游赤松觀羊石記

金華洞人物古蹟記

鹿田聽雨記

遊石洞聯句夜坐記

登西臺慟哭記

睦州詩派序

目錄

聯身集卷之一

遊僊華巖麓記

宋粵謝翱著

由月泉至僊華巖麓十五里至巖二十里蓋余向所記若芝掌擎空而立者故老相傳以為下有穴與鼎湖通嘗秋夜聞水樂及擊石聲月高風遠復不知墮在何處將至二里有山類藥壺倚巖側雲嵐草木相掩映日東影射其上遠



望氤氲若丹光浮動疑是中別有一天地也巖之麓曰鄭村者友人方君韶卿廬焉地馨芳草蘭梅辛夷山礬俗呼山礬鄧花鄧與鄭音相近故以名村環左右無它族皆依巖作屋互向背巖爲黃帝少女修真之地垂四千年始民築祠其上以雨暘禱輒應有欲移祠於麓以便民禱者一夕風雨大作飄盂爐幡幢所欲移處瓦木石隨晦冥雲霧飛空下跼跼有聲今祠有茂陵

巖額信不誣也祠之南二百步皆古木襍藤棲煙霏霞鷲風颯至皆五色紛散獨被髮如人立又有藤結子若蓮房纍纍而下益蒼碧可愛行且倦憇古道觀中夢青衣掖一老人至與余言海上方及導引事甚悉且曰穹壤間無愚曹仙人凡知古今不爲所縛條然塵外者皆得仙子欲以人世仙乎後二年日浴見我扶桑東言訖乃寤有鳥自西南來綠衣紅距止藤上迴翔審

顧若欲有言于臆者方君謂余子其訊焉以記
觀之老道士年九十余言嘗於海上見之今四
百甲子矣蓋么鳳云是爲記

自巖麓尋泉至三石洞記

至巖麓止十日散髮空翠行且唸顧謂方君得
流泉灑灑漱石齒吾二人以耳枕之以洗吾悲
何如方君指田間流泉故道皆達麓而來謂其
源自藥壺山出山之愚民辟田其背盡激之過

以故枯爲陸者不知其幾年無有能復之者
乃與余行二百步至激泉處由激泉而西百五
十步皆曲溝斷石民橋其上有草類菖蒲而小
無脊一寸皆九節蓋楚南謂之蓀又沿溝行九
十步亂山如蹲厓傾石立洼者凸者跂者伏者
仆且僵者散而布者如羝之乳如鹿之奔如鼠
之飛如鳥鵲之俯啄如兔之自吐其子猿猴之
垂藤而飲于水也如鷄犬之舐于鼎而仙也其

變怪峭特余無以詰之山之僧作亭道上泉出
 于藥壺者赴焉同遊括蒼吳子善韶卿之弟君
 實子肖翁皆掬泉于泓漱且憇有泉鳴林薄間
 斷續相應類金奏闕而石聲間作又有縹緲益
 近若浮雲飛絮游空而下殆不可窮其狀聞唐
 有僧名而仙行者貞觀間白南麓來結廬于此
 寂然自言千七十歲有竒蓋出於周末也廬為
 寺又五百年因往觀焉其碑記僧所說鉛汞事

乃效晚唐人詩獨不作秦漢以前語亦不可曉
 遂由寺之西捫蘿而上得石洞巉爽愷可坐數
 十人視巖前樵牧路如線往來負且牽皆交臂
 不相忤又東行抵相對巨巖趾得二洞其一溫
 然如春可久坐自外墜之若無有者其一空迴
 寥廓聞人語如投珠於壺滴泉垂草雜飛蝠續
 之蒼碧欲動石平潤可抵處十數各倚梯拂藓
 題詩其上逮暮猶沾沾忘歸窮泉源直抵藥壺

頂望兩山牆立石飛聳欲墮可為亭者一處
 中立石可為橋接西巖者一處洞傍可為屋若
 園各一處蓋居于此者日遊而不知余與二方
 吳君得之若行外國過異人出奇玩相飲宴皆
 世所未有故書以遺後之好遊者俾有考且屬
 韶卿居焉

月泉遊記

余少慕初平叱石事知婺有金華洞瀑泉之勝

而未知有月泉也月泉在浦江縣西北二里故
 老云其消長視泉之盈虧由朔至望投梯其間
 泉浸浸浮穉而上動盪芹藻若江湖之浮舟擁
 泊于岸視舊痕不減毫髮由望至晦置竹井傍
 以常所落淺深為候隨月之大小畫痕竹上當
 其日之數旦而測之水之落痕與石約如竹之
 畫視甃間滯萍蘚枯青相半殆類水退人家日
 蒸氣濕墻壁故在而浮槎游拊棲泊樹石隱隱

可記。余與友人陳君某至適壘後二日。陳君指
 萍于草。以為斯泉。虧落之驗。蓋冲漠朕垂間。盈
 虛消息之理。與山川呼吸往來之氣。相值而不
 爽也。如此。非必有神物主之。如雜書怪錄所謂
 巨魚吞吐云也。泉傍舊為堂。祠朱呂二先生。環
 闌楯甃。上環詩亭。上四顧。煙雲竹樹。復環泉。若
 亭不敢左。其東北之山曰仙巖者。遠壘類芝草
 浮空而立。若皆有所待於斯泉而向焉者。予方

謀日遊其間。與月約盈虧。

泉約消長。與山約無

盈虧。消長。亘矣。今以老吾詩。有述仙巖之遺迹。
 約余遊巖之麓者。將歛鹿鳴之引。以擬笙鶴曰。
 予欲窮山中之勝。而憚以足赴。目乎。余欣然從
 之。故書泉之本末。以紀茲遊之始。

粵某山分蜂日記

甌粵之南。有某山焉。跨羅浮。挹九疑。穴其實。而
 下空洞。橫亘數千里。與勾漏通。山之陽。其民至

老死不知歲曆唯以甲子紀日由穴之陰而南
雖甲子亦不書山象天小鑿石竅繩鐵其上屋
繫而下者若冢高者若浮圖戶養蜂分地蔣
花編竹若護蔬果擘杉桐卷之或取雜木剝其
中為蜂房總百之一每數日蜂輒有分者置不
問聽其所止而休焉率以蜂之多寡為家之厚
薄四時旦暮悉候於蜂故曆與甲子可無也蓋
衙而知早晚出入而知寒暑四時之花卉不同

而蜜亦異味是其候也至於有事而涓吉亦於
蜂候焉濱是山之郡其人皆能言之蜂之分也
其日必吉人家無大小貿易偶及蜂分則趣成
之事未及辦則以待後之分日至於婚嫁已納
采而未逆興作已畢工而未落成皆候焉或父
子兄弟分業而居則候其日時而併用之隣里
親戚置酒羸老相與賀數向之獲是而吉者例
指以為盛事蜂移之家若僕若隣無遠近迤相

報俾皆知是日之吉不敢隱有販者至其地留
一年書蜂分之日凡百有奇歸而詰曆驗之皆
黃道紫微天月德活曜其星也其不分者非凶
星則常日也余聞之始而疑中而信久而驚以
愧不知茲蜂之為何物也且其王生而有髭則
為異舉族附之不敢後則為忠遭物害而去有
相失者不肯附他族必彷徨噬嚙自相枕藉以
死則為貞出則紛然先後奔走之不暇則為勤

歸則翕然集若赴期會而聽號令則為整食密
之餘以遺取者不怨則為廉為房以自居則為
智有蠶以自衛則為勇修是數得而又能知天
時以協人事則夫貪賄無謀亂行離次棄君事
讎反覆變詐以取富貴利祿者身為蠶尾而不
卹雖其形則人也使其居深山中與不知甲子
之民將必顛倒五行以為民害寧不為茲物之
愧哉

山陰王氏鏡湖漁舍記

越城東南多隱者居。唐迄今五百載，賀監宅與玄真子嘗往來處，往往遺迹猶在。高標清氣，彷彿煙靄中。茲爲可尚也。王氏別業在城南，蓋盡得其勝。近又於其旁蒔竹萬箇，加以幽花貞石，離立參峙。引水循亭爲九曲，前置屋如列舟，面鏡湖。扁之曰漁舍。當意坐，及與客對，禹山雲氣冉冉墮几席。稍東二百步，累土爲坡，室方丈，曰

小瀛洲。水環其外。北壘州治，山蜿蜒，澗鮮翔伏，迤演。蓋昔人以比蓬萊，實與秦壘天柱相賓主。而是洲適中焉。則茲名不爲過。負城田可數十頃。春夏之交，水彌壘，洲小益浮。艤榜其側，含嵐浴暉，頃刻殊狀。不知天壤之有瀛海也。余嘗一再造竹下良久。主人晉衣冠，迎客子弟儼侍立。語久益親，俾余爲文，識其位置次第。故他不遑及。或謂余公家世蓬萊下，方權貴人趣治第，勢

熏灼殊甚。草木動相德色。獨吃吃不肯歆豔。附麗及茲。益守前之為。蓋有昔名人隱者之所難可書也已。是為記。

樂閒山房記

甲午秋

余與吳君仲恭同年生。而動息勞佚與凡所為事相值無同者。余喜泉石物外交遊。耳聞足歷。畏不即居之意。少不愜。輒復去。宜佚而得勞。居里黨人情高下。勢緩急張弛。事後當成敗。慮周

於物而能自愛其所居。為屋日以爽塏靚深。以休息其中。宜勞而得佚。近關山為重屋。以眺遠。又屋其後。為楹十有八。其位置區畫。類隱者所為。括人吳善父名之曰樂閒山房。夫天地間雲嵐木石。崇丘絕壑。足以發竒潛老。多人蹟所不到。故畸人靜者。得與世相忘。而自樂其樂。恒專已而不讓。至貶食離累垢衣蓬首。獨甘心焉。今君之為此。不離乎家人父子之間。劑灑盥櫛之

常溫靖定。省之後。飲食滋味之養。而幽閒之適。嗟眺之美。一踰足。越限而兼有之。可謂樂矣。今君年益老。見益定。雖不絕物。不害為閒。且樂心。有外馳。雖閉戶坐。不與人世接。樂亦未至。蓋君已知之。欲推其究而言解。所以名者。以余為文。能識古字。屬為之記。甲午九月八日。

小爐峯三瀑記

陸上瘠民之巖耕者。發土石趾如刃。游肯繁如

肋棄而復食。故凡樹石奇玩之。鄰於耕者。殆無完景。間有得全其天。不毀以休息於此土。皆民之所棄也。其勝處的然見於圖經者。又為塵襟俗駕。且至而睨之。毀畫贅疣。以醜其外。樸斲竅鑿。以死其內。與茲土為仇。又有甚於民之所墾者。余至新亭之紫溪。得爐峯紫煙浮動。旁無雜植。肯肋之地。以為之累。而又見遺於圖經。不為人所知。故得歸然以存。水南出。經其趾。雜苔藻。

不染他色。友人翁君世居其下，因約余賦詩。聞有龍門瀑布者，相去復不遠。由溪之別澗行三百步，水皆西流。余謂水於天地間西行極少，所產必珍禽怪石。與有道者居焉，故三萬里朔風而西，即其大者。遂相與躡足蒼苔，水石間有巖穹窿如門，落深瀑數十丈，下為潭浴石蒼碧。類白虹飲于井，而蛟龍搏之者，既翕泉嚙且卻。毛髮起豎，由穹窿捫蘿而上。望雙流繞麓，石益

深翠。日且晚，各賦詩岸幘乘月而歸。約九日，乘源至其頂，如期携酒插菊，逝雙流益東。古藤青壁殆非人境，泐溝溪二百餘步，地稍峻，泥如沙。欲流者數處，仆且起，亂石雲浮，煙嵐薄，林木片片欲斷，足相趾而進，不敢視，稍間斷，前足已遠。後者望前者如乘雲空中，遺影在地。進至峽，得一瀑自巖下為三，汲流乳成池，四顧巖壁木根翠色欲滴，衆客青篲白帽，浮杯乳上，舉酒酬水。

遺殺核其中。樵童牧豎觀以爲異。復登亂雲上。稍南一石。欽嵌飛動。瀑蜿蜒如舞。白虹而下。涎沫轉棹。余無以名其狀。復緣厓至頂。壘乳池上。復二級。流乳叢薄中。草木皆芝朮香。蓋峽中所望而未見者。明日復由前峽登前壁。壘上級。垂蘿果濕蘚。下與瀑屬。歸而定其處。爲三瀑。識其可爲亭者四。曰放鶴在瀑頂。曰穹石在下。瀑布石旁。曰可噉在上。乳池之下。曰弄月。居亂雲之

上。可爲橋者二。跨中瀑。曰玉峽。居兩瀑合流。曰雙磬。爲圖遺。同游者謀之。不欲竅鑿。樸斷贅疣焉。以累茲山。始擣蕙茸。葯以備藏。修種梅爲本。瀑旁爲泥丸。散桃巖上下。春秋臨流濯髮。夏乘風長嘯頂上。冬看水柱。如是以老吾年足矣。橋與亭。以其月經始。先紀其事。與同游各賦六詩。書于后。後二年亭成。而刻之石。

遊赤松觀羊石記

金華洞爲初平叱石處。余髻而聞之。髮種種。乃一至而叱石處。復不在金華洞。未至洞十五里。有山曰赤松。今爲寶積觀。觀傍祠一僊。卽皇氏兄弟。是其處也。石故在山之巔。變怪牴牾。宛然如羊。多爲樵牧及好事者取去。道士拾其餘蓄觀中。余得借而觀之者三處。其一天井東。僅十數角。嶄然群伏。且起狀無牴觸意。苔蒙茸若草藉地。可近而玩。其一並曲池之北岸。累石爲山。

參布伍列。犬牙其上。卧者十八。九伏者十七。抵者蹶者十五。履險而跛者十三。倚而齧跪而乳者十一。若觀古鼎彝尊之蹟于石。形不求完而意自足。其一積小坻。位置加密。跂伏齧乳。牴蹶與前變態畧同。復有拱而人立者。奇崛特甚。道士易以他名。使不與群羊伍。余曰。是不可易。左元放之遇曹瞞。其化而爲羊。與茲羊之化爲石。是或一物也。今而後觀茲石。若馮而游。若蛻而

休○茫○乎○日○與○對○而○泊○不○知○所○求○其○有○不○復○化○為○
 是○物○乎○道○士○顧○笑○衆○皆○岑○寂○起○立○若○植○以○余○言○
 為○然○故○書○以○啓○後○之○游○者○其○所○觀○三○處○道○士○曰○
 倪○守○約○唐○元○素○王○德○厚○云○石○去○初○平○仙○後○若○干○
 年○為○樵○牧○好○事○所○取○及○移○來○此○又○若○干○年○道○士○
 悉○能○言○之○於○游○者○非○有○所○繫○故○不○書○

金華洞人物古蹟記

金華洞去縣三十里洞有三道赤松東西鹿洞

上○而○下○遠○望○若○建○瓴○水○及○至○復○平○夷○無○他○險○道○
 北○山○由○上○下○氣○喘○喘○不○暇○息○然○亦○不○覺○勞○苦○下○
 洞○之○右○為○椒○亭○亭○上○望○洞○口○若○鐵○甕○石○正○青○黑○
 洞○內○外○分○為○兩○由○鐵○甕○入○可○坐○數○百○人○有○穴○如○
 墓○頤○水○出○自○頤○入○地○中○下○山○復○不○知○何○處○由○頤○
 入○卧○小○舟○僮○僕○篝○火○傳○舟○進○至○岸○寒○泐○空○廓○行○
 飄○飄○有○聲○由○右○轉○左○復○從○頤○出○洞○外○洞○外○二○百○
 步○至○中○洞○口○自○洞○口○束○炬○回○旋○入○地○底○一○出○出○

良○久○有○二○里○至○上○洞○上○洞○分○左○右○為○兩○變○怪○開
 闔○為○體○各○不○同○而○天○地○山○海○人○物○之○類○最○多○歸
 而○以○其○類○識○之○總○六○十○有○四○併○十○二○而○五○得○五
 十○七○為○僊○人○藏○身○處○一○石○黃○色○亘○地○在○外○洞○右
 為○道○人○比○肩○而○立○各○一○在○外○洞○上○頂○旁○為○大○士
 垂○珠○纓○絡○箕○踞○而○坐○者○一○在○石○之○右○凡○為○人○之
 類○四○而○形○影○小○大○有○不○犯○焉○為○碧○桃○枝○實○纍○纍
 垂○下○者○一○處○在○於○外○洞○頂○右○為○石○筍○拔○地○而○王

立○者○一○斜○上○蒼○紫○而○迸○於○地○者○一○在○洞○中○水○簾
 後○凡○為○植○物○之○類○三○而○苞○萌○蕢○實○有○不○犯○焉○為
 蒼○龍○首○尾○相○應○者○一○在○外○洞○左○右○對○為○龍○頭○角
 鬣○尾○及○爪○痕○如○玉○者○各○一○在○內○洞○右○為○蒼○白○兩
 龍○鱗○鬣○欲○夾○石○梁○飛○度○者○一○在○上○洞○左○角○為○右
 黑○龍○而○白○蛇○自○背○繞○其○脇○者○一○為○蟾○蜍○三○足○一
 在○石○門○限○北○為○遊○魚○布○影○於○石○者○一○在○外○洞○頂
 西○北○為○蝦○蟆○匝○地○者○一○在○墓○願○蓄○水○旁○為○石○蜂

窠房牖如綴者一在蝦蟆石上頂為石獅子為
 石虎而虎者各一在雪山前為大小象脚大二
 小一在內右轉左凡為山海奇怪之物總十有
 四離而為二十有一而鱗介羽毛飛走有不犯
 焉前後雪山一在上洞為雲霞五色二在霜石
 上稍西及上洞右為仙人望月者一在蟾蜍受
 日處正圓如三五夜為日影射石壁類月光在
 地者一處在上洞石之左為北斗七星窠一在

外洞外之左凡為在天垂象之類九不犯二五
 焉為天涯海角各一在下洞內右滑臺一在內
 之左為石紋細湧如水波浪痕者二在下右上
 左為仙人種玉田者一在下左丘畝步角可數
 為天地一在上洞天扉下石井一在上右角下
 皆深黑莫測所窮凡為在地之類八不犯一二
 焉為石門限溜室窓櫺各一在石限內為石柱
 一在大小象脚外石室一在水簾石筍後水落

沙石盛之輒滲下不溢簾後束炬可立先出者
視互出入者與束炬立簾後者若神人然為石
梁一在天池左可數十丈為天扉中折日光射
其內者一從洞背尋折處復不可見凡為棟宇
之類七而求其犯者無一焉為石鐘鼓自洞頂
懸而虛其下而聲各如其所名者一在僊笠東
為僊笠一在鼓西為筆格而山立者一為硯滴
石穿溜若引蟻鑽珠而洞頂滴泉正當其處一

與筆格自為左右為懸鐘寶蓋類雲氣結而天
花雨者一在鐘鼓南為天人掛衣痕感感如新
者一在石床右石床一在衣左為小掛衣一在
外洞黃石上側為水簾飛空而下類珠碧綴成
者一在中洞旋石中為小懸鐘二在中洞及上
左凡為器玩之物十有二而求其犯者無一焉
余嘗喜獨行山水間遇古蹟竒玩見於外有過
此無不及者至內觀若神犀寶鼎燭影圖物夔

龍罔兩。天地山海之藏，皆莫得逃其狀。此為尤絕。友人方君鳳，既集為行紀，志所變怪，先後有差。余嘗欲與善畫者，日夜相對，盤礴其下，寫為圖，分合數面，求書尾於山林，畸人靜者，傳之後數百年，以為希世之寶，而力有未能，輒敘其槩而為之記。凡以昔之得游而觀者，數千百年，既不可知其人而往矣；後之欲圖而觀者，數千百年，豈無有與我同志者，其於此庶乎其有考也。

歲屠維赤奮若，月孟陬，粵人謝翺記。

鹿田聽雨記

鄉余見南岳僧言，嶽頂望日出海，看雲生樹石，與巖屋聽風雨，夔異人世，嘗疑其言之過。比遊金華之北山，宿東西鹿田，夜聞風雨聲，滃鬱滄隘，琤琮澎湃，浙浙浮浮，冷冷參參，或散或哀，或赴或休，或激或射，或凌或瀝，或沉或淫，或益而溢，其過虛若乘其擊，實若盈其舉，朽若勝而振。

于葉也若憑其赴于壑也若崩其回旋于空而薄乎軒窓也若濤風擊舟而擁于敗簣是不可行而詰其名也蓋其地近洞天山川鬼神虎豹蛟龍虫蛇罔象煙雲水石之所聚故聲鬱而不散其石虛窾窳坳坳圻圻注曰崦嵫口鼻之所出故其聲泊以深其林木蘿霏枯新堅脆榮實瘦液之所生故其聲淅以嗇其勢之來也殊方其席而怒也殊力其散而游於物也殊值故能

無若有萬變而不窮而畸人孤子抱膝擁衾愿極生悲而繼之以泣故其聽也獨真於是信鄉之所聞於僧者不謬然僧之聽乎此與人世異而吾之聽此復與僧異知吾與人世與僧之所以為異則茲遊也將必有與吾不異而深知此聲者乎是為記

遊石洞聯句夜坐記

藥壺山其初總謂之僊巖余取其狀類藥壺且

奇崛特甚故別名之三石洞之游直抵其頂拊
 摩苔蘚擷靈草若芝木而莫辨者歸於洞掬乳
 泉嚼嚙之山之僧曰師遠者嘗遊方之外喜夜
 坐見予抵掌荒落蜉蝣蟬蛸以為異邀宿寺中
 設燎露坐望藥壺諸巖連洞如井河漢衆星掛
 其上小者欲飛大者欲滴環視北斗無見者以
 問遠遠云諸巖藥壺直西北最高北斗墮其脇
 故今年未嘗一見獨蘿陰缺處見南斗歷歷

新事
 不可
 入玉
 空水

皆瞻仰嘆異遂以足歷目覩日夜所得沾沾自
 喜若恐失者與子善韶卿君實默識以一人斜
 之出甲而乙各受其意以為何有次第語不逮
 意責在衆意外而語自工以責糾者是夜將分
 有影射西巖初如珠光走盤浸大如席湏臾光
 遍樹石閃閃飛動視東巖月復未吐益信仙宮
 深處所見日月光影徃徃與人間不同無足怪
 也復續句思益苦遠見為能為相與不自知

聯集 卷一
對坐兀兀達旦蓋先夜與子善宿韶卿家因讀
韓孟聯句舉此爲例每得一聯書于紙有未合
衆爭句糾爭意始各執其是不相下執愈甚爭
愈力卒至於當而後已旣成以爲善故是夜復
如之先得韻四十四後三十八與題洞諸律絕
句皆楷書爲卷復相與正其重複踈漏者竄若
千定若干是爲記

登西臺慟哭記

始故人唐宰相魯公開府南服余以布衣從戎
明年別公漳水湄後明年公以事過張睢陽及
顏杲卿所常往來處悲歌慷慨卒不負其言而
從之遊今其詩具在可考也余恨死無以藉手
見公而獨記別時語每一動念即於夢中尋之
或山水池榭雲嵐草木與所別之處及其時適
相類則徘徊顧盼悲不敢泣又後三年過姑蘇
姑蘇公初開府舊治也墜夫羞之臺而始哭公

敬：叙
去：哀
痛：聲
去：餘

焉。又後四年而哭之於越臺。又後五年及今而哭於子陵之臺。先是一日與友人甲乙若丙約越宿而集。午雨未止。買榜江渚。登岸謁子陵祠。憇祠旁僧舍。毀垣枯甃。如入墟墓。還與榜人治祭具。須臾兩止。登西臺設主於荒亭。隅再拜跪伏。祝畢號而慟者三。復再拜起。又念余弱冠時往來必謁拜祠下。其始至也。侍先君焉。今余且老。江山人物。睠焉若失。復東望泣拜不已。有雲

從西南來。滄浥淖鬱。氣薄林木。若相助以悲者。乃以竹如意擊石。作楚歌招之。曰。竟朝往兮何極。暮來歸兮關水黑。化爲朱鳥兮有味焉。食歌關竹石俱碎。於是相向感喟。復登東臺。撫蒼石。還憇于榜中。榜人始驚。余哭云。適有邏舟之過也。盍移諸遂。移榜中流。舉酒相屬。各爲詩以寄所思。薄暮雪作。風凜不可留。登岸宿乙家。夜復賦詩懷古。明日益風雪。別甲于江。余與丙獨歸。

行三十里又越宿乃至其後甲以書及別時來
言是日風帆怒駛逾久而後濟既濟疑有神陰
相以著茲遊之偉余曰嗚呼阮步兵死空山無
哭聲且千年矣若神之助固不可知然茲遊亦
良偉其爲文詞因以達意亦誠可悲已余嘗欲
倣太史公著季漢月表如秦楚之際今人不有
知余心後之人必有知余者於此宜得書故紀
之以附季漢事後時先君登臺後二十六年也

先君諱某字某登臺之歲在乙丑云

睦州詩派序

唐代言詩在江東者戴發運叔倫許刺史渾潤
人丘員外丹丘庶子爲顧著作况陸處士龜蒙
姑蘇人孟先生郊嚴處士惲釋子隴然吳興人
駱少府賓王張處士志和僧貫休金華人賀賓
客知章四明人嚴長史維秦徵君系吳舍人融
僧澈越人張處士枯金陵人吳韶州武陵廣信

人羅給事隱新城人項少府斯天台人薛補闕
令之歐陽生詹閩人其他雖遺逸不可槩舉率
郡不過一二人多者三四人惟新定自元和至
咸通間以詩名凡十人視他郡爲最施處士肩
吾方先生干李建州頰喻校書鳧世並有集翁
徵君洮有集藏于家章協律八元徐處士凝周
生朴喻生坦之並有詩見唐間氣及文苑諸書
皇甫推官以文章受業韓門翱客睦與學爲詩

者推唐人以至魏漢或解或否無以荅友人翁
衡取十先生編爲集名曰睦州詩派以示翱翱
曰子睦人也請歸而求之毋貽皇甫氏所云舍
近而尋遠則詩或在是矣癸巳夏五書雙硤精
舍

瞻髮集卷之一

聯髮集卷之一

聯髮集卷之二

目錄

對圖韻

宋鏡歌鼓吹曲

日離海

天馬黃

征黎

上臨墉

宋粵謝翱著

軍禮南

鄰之震

毋慈悲

象之奔

宋征誓趙六曲

自繪版圖歸

附庸畢

上之回

宋騎吹曲

親征曲

回鑾曲三首

遣將曲二首

歸田曲二首

諭歸田曲

李侍郎妾歌

孟蜀李夫人詞

南唐奉使曲

伎女洗藍曲

邸吏謁故主曲

晞髮集卷之二目錄

晞髮集卷之二

宋粵謝翱著

宋鏡歌鼓吹曲

太祖嘗微時歌日出其後卒平僭亂證

於日爲日離海第一

日離海青瞳矐沃以積水涵蒼穹神光隱豹霧
空氣呼吸爲蛇龍赤雲衣紫霓從吹白衆宿歌
大風天吳遁清海宮

右日離海十四句句十二句句三字二句句四字

宋既受天命為下所推戴懲五季亂誓將整師秋毫無所犯為天馬黃第二

天馬黃產異方龍為馬白照夜氣汗雲聲擊野備法衣引宸駕騰天垠倏變化閏之餘廟以羈閱八姓瞬代謝駟祥靈入罟獲皇上帝監于下誓魚譁出既樵市日中不易賈坐明堂朝諸頁

資萬方錫純嘏

右天馬黃二十六句句三字

宋既有天下李筠懷不軌據壺關以叛

王師討平之為征黎第三其如對之為

黎之壑彌蒼莽迤壺關屬上黨有雄矯健曰餘宿將于故之思泣示厥像倚孽狐勢方張辨臣獻議勸下太行趨懷孟虎牢計之上爭洛邑以東鄉王師奄至扼其吭帝授方畧中厥狀獸窮

駭突。死卒以煬脅從已逮。孛肆放。凱歌回。皇威

暢。太行依吳棫讀如輩行之行

右征黎二十六句十四句句三字十一句

句四字一句句五字

上親征李重進至廣陵臨其城拔之為

上臨墉第四

上臨墉。戈耀日。韎韋指顧。流電疾。臯止其魁。不及卒。其魁則頽。曰予號。日出坐于轅門。斧以率。

歸子往諭泣股栗。語中其肝。至畢述待不及屏。

沮回適。鞠投于燎。其所即皇仁。閔下焉。如止踈

貌貅徹竈。歸數實。獲其棘矢。納世室。

右上臨墉二十四句十二句句三字十一

句句四字一句句五字

以荆王湖湘亂命將拯之。至江陵周保權已平

奉廷擒賊出軍澧南以拒卒取滅亡為軍澧南

第五

軍灃南。潰飛鳥。鷹隼北來。龍蛇夭矯。帝有初命。奉致訖。臨於荆。妖孽既掃。胡駘而孕。雉入蒼莽。以保王旅。長駘颯振槁。以仁易暴。戒擊剽。惟荆衡及柳。士如林。磔其節。蠶春葩。秋陰。我有造干南。坭心式敷德音。十四句。十二句。三字。十一句。

右軍灃南二十句。七句句。三字。九句句。四字。四句句。五字。

王師拯湖湘道渚宮高繼冲懼出迎

以其版籍來上為隣之震第六

隣之震。震于戶。戒登陴。徹守御。神威掩至。不及拒。泐楚以南。菁茅宿莽。獻于王吏。奉厥土。天子有詔。侯西楚。自南北東。皆我疆。龍旗虎節。拜降王。秦戈鞞甲。期韜藏。冕旒當中。垂衣裳。

右隣之震二十句。十一句句。三字。九句句。

四字

蜀主昝懼陰結太原獲其謀六師征之

景至以母託上許歸母數日景卒母以

酒酹地因不食亦卒為母思悲第七

母思悲母于歸母聞帝語妾歸無所妾生并土

蜀壘芒芒奄失其疆初帝謂母子景來小者侯

大者王有瘼其肌載粟于創畢有下土方歸母

下鄉天不女奪朕言不忘

右母思悲十六句句五句句三句句十句句四

字一句句五字

劉鋹亂嶺南為象陳以拒王師象奔踈

反踐俘鋹以獻為象之奔第八

象之奔斯惟迹蹶蹶魚麗駕空雲鳥潰南草浮

浮順於貔貅焚其帑實奔厥陬皇風播平聲霧

星辰起皆北走唐季以來逆雛來味嶺海肅清

無齧後于汴獻囚凱歌奏

右象之奔十八句句八句句三句句十句句四

字

播協畢后反走音奏

上命將平南唐誓城陷毋得輒戮一人
衆咸聽命爲征誓第九

帝命將臣誓師于征伯。嚙牙于庭。曰無劉我人。
曲阿惟唐。以及豫章。孽于南國。楚粵是疆。我師
孔武。聿禽其王。始怒額額。將臣不懾。曰如上命。
卽起予疾。弓韜於衣。刃以不血。收其石程。焚其
侈淫。視于丁寧。箬羽不飲。平取其鏝磬。平以獻
于京。于廟告成。垓埏旣平。

右征誓二十四句二十三句句四字一句
句五字

錢氏奄有吳越朝會貢獻不絕于道至

是以版圖歸職方爲版圖歸第十

版圖歸歸職方昔服跗注備戎行帝錫之旃龍
鳥章酌獻命與胥今上及秦王外臣拜稽首笑
頷帝色康畢同軌來於梁羣靈奕奕敷重光願
止劔履觀帶裳四海臣妾配虞唐

五險右版圖歸十八句句九句句三三句五句句四

賚帝字四句句五字

高章酒陳洪進初隸南唐崎嶇得達于天子至

是籍其國封畧來獻為附庸畢第十一

清源無諸邦力弱臣秣陵間道遣進表九門望

日旌願齒鄒與鄒自達天子庭四隣彫霸業國

除洗天兵皇靈暢遐外蠻俗邇聲明歸其所隸

州乞身奉朝請音青帝命得陪祀湯沐在玉城從

茲附庸畢歌以頌河清

右附庸畢十六句句五字

太祖征河東班師以伐功遺太宗卒成

其志為上之回第十二

上之回舞干戚鳴鸞在鑣士飽力桴鼓轟騰罕

山比餘刃恢恢軍容肅穆王畿主辰參後服神

繼聖伐功卒扼以偏師斷北狄矢菽鳴房蝟集

的質子援絕親銜璧并俗嘖嘖附于化以安得

其屈產歸帝閑。四夷君長來稱藩。籥節夷樂示子孫。

山上之回二十六句十三句句三字十二句句四字一句句句五字

宋騎吹曲

親征曲第一

雲屯列竈。駟貔貅。殿前殺馬祭蚩尤。勾陳蒼蒼太白濕。賊帳夢驚繞營日。軍呼萬歲摧太行。

東抹流電光。重華繼堯坐。垂拱并土再駕無葛疆。

回鑾曲第二

建隆親征回鑾二之一

徂暑黎陽車駕歸。掃清氛翳兵更衣。江都朔雲車駕出。凱歌消水供尚食。都人引領望翠華。征人二月俱還家。

開寶親征回鑾二之二

長堤夜幸士素飽。孤城沈竈無飛鳥。從征鹵簿拜上恩。太常朝上回鑾表。

車馬出道太平興國回鑾二之三
都人望氣歸瑤闕。星掃茸頭落參伐。西人冉冉留紫雲。六飛擁日歌回軍。

遣將曲第三

平荆湖遣將三之一

天門雷動開風雲。內前盡給羽林軍。聖人神武

授方畧。斬將搴旗各駿奔。王師所過如時雨。洗濯焦枯嚮荆楚。重宣德意吊遺黎。素服軍前釋俘虜。全家到闕拜上恩。詔書為築先臣墓。

下劍門遣將三之二

神風流霆馳偃草。天兵夜下西南道。虎賁長戟來鳳州。歸峽銜枚疾如掃。廟謨萬里諗諸將。山川曲折圖形狀。天同鬼授契若符。坐戒果愚虜。供帳歸來論功授節鎮。鐃鼓殿前歌破陣。

歸朝曲第四

南平王歸朝四之一

荆南萬里朝天道。巫女雲荒產芳草。錦韉道賜

帶盤鵬。方物南來進龍腦。願陪郊祀依日光。供

張歸朝親奉表。勲階邑食及隸人。移鎮徐戎作

家廟。人生富貴侯與王。四海為家皆故鄉。

吳越王妃歸朝四之二

勾吳月令牽牛中。如以開寶九年三月隨王入朝翟茀乘風來

闕宮。隨王劔履朝上殿。黃門夜趣長春宴。昭容

引班入內朝。龍衣當中開雉扇。宴罷朝辭生局

促。詔賜離宮作湯沐。先王烝嘗澤有羞。上恩許

歌陌上花。

諭歸朝曲第五

淮南草濕網蟲露。家在先朝父尚主。真人御極

四海歸。偃蹇不朝稱節度。夜持鐵券為爾賜。上

恩特遣儀鑾使。神離魄奪取族夷。功臣效命錫

龍旂。豈。始。變。此。軒。輶。馳。車。效。使。臣。效。命。歸。

囚。或。歸。李。侍。中。妾。歌。第。六。文。詩。燈。卷。為。爾。觀。土。

李筠愛將唯儋珪美人姓劉筠侍兒城危搶撥

不得力雨損鉛華帳下啼擁髻前言馬有幾猶

說閨中那問此赤龍從東乘日車火繞城門內

蛇死英雄際會風雲奔婦人思報羅裳恩

侍遊人孟蜀李夫人詞第七

春荒曲薄蠶叢土屈狄歸朝辭廟主官家呼母

恩許歸劔閣并門無處所一作淚如雨故衣升屋棺四

繞出門哭子汴州道回腸酌酒三致辭巴蜀如

歸化啼鳥老身不食追爾魂鹵簿臨門拜上恩

南唐奉使曲第八

孤城圍中拜右史侍書猶對重瞳子請行忼慨

期緩師奉命日馳三百里河流朔風車北首便

殿蒙恩引天袖臣肝有血不濺衣寸舌欲存建

主後竒曾如江湧崔嵬慟哭不得天顏回

伎女洗藍曲第九

後庭朱黃作衣裏。伎女帳帷青曳地。碧綠夜挂
 寒不收。緣此洗藍。淳露水。外間學染。因得名不
 省歸朝。為國氏。他年寄生。產鴟尾。空憶宮中鳥
 銜子。

邸吏謁故主曲第十

嶺南使鶴日教戰。巫女才人譚相見。南撓欲載
 遠遊冠。衛士盜船去不還。夢見隨俘上江邸道。

謁凄凉。唯故吏。自言置邸本先王。方物入朝緣
 此至。聞言含咽涕灑江。况乃園人舊姓龐。淚辭
 嶺海無歸處。蒙恩祇向江陵住。

晴髮集卷之二

柳夢集卷之二

柳夢集卷之三

宋粵謝翺著

目錄

古體

芳草怨

春江曲

子夜吳歌

烏栖曲擬張司業

廢居行 謝朓 同業

古差嘆 福

雙桐生空井

飛來雙白鶴

古山中曲擬張司業

目送 遠游篇寄府教景熙

裁眉老人別子歌

柳邊渠 瓊花引

短歌行

秋日擬塞上曲

故園秋日曲四首

咄咄復咄咄

桂花引

賦得建業水

賦得北府酒

楚女謠

後瓊花引

邳州哭旅賦

秋風海上曲

明河篇

射鳩行

虞美人草詞四首

劉寄奴草詞

雨中怨

白紵歌

陌上桑

折楊柳

廢瑟詞

飛僊引遊沃州水簾谷作

樊夫人上昇詞

俠客吳歌立秋日海上作

島上曲二首

落梅詞二首

望蓬萊滄立烟日城土卦

結客行上吳臨

古別離送天陝水黨谷非

花卿冢行

和靖墓

蓮葉舟

玉井水

送人歸烏傷

覓紫芝

雨後海棠送水精宮天瑞王孫非

登廣靈寺塔望南高峰寺碑紀太宗
潛藩時事

雪度良月食

閱方史君登行狀

食齋歌送別方安道

夜宿南明縣齋香

書畫梅花水僊卷

冬青樹引別王潛

小元祐歌寄劉君

句章見月食

避暑城西觀吳道子畫老君像

趙安天北遊求詩安天韶王孫作詩

送之

避暑崇法寺

鄞女墓

寶幢山尋黃提刑震舊避地處

城西廢園

晞髮集目錄卷之三

謝髮集目錄卷之三

謝髮集卷之三

宋粵謝翱著

古體

芳草怨

湘雲離離沉曉月。疏麻夏死白水發。傳芭楚女
 辭帳中。夜逐霓旌南。過越荆岑。越嶠殊百草。恨
 結柔絲香不老。紅英搗鹽實。斧創青子滿地枝。
 如掃刺桐樹。朽猩猩在。佩雜芳蕤散。秋海鄉來

青鳳食花去。瞻望靈均涕零雨。芙蓉嫩綠秋深來。

春江曲。空對離宮。空對離宮。空對離宮。空對離宮。

妾身生長臨江邊。幼嫁酒家學數錢。自從夫婿

去。為賈別妾初下武昌船。潯陽歸鴈不寄影。雋

州書到已三年。別時夢指水為誓。惟有海鳧見

妾泪。愁拋錦字下中流。卻見海鳧淚如水。

子夜吳歌

玄髮照秋水。茱萸香未歇。風吹夜合花。露濕衣

上月

烏栖曲擬張司業

吳宮草深四五月。破楚門開烏啼歇。美人軍裝

多在船。歸來把弓墮。弓弦越羅如粟。越王獻宮

中。養蠶不作線。輓轡出屋井。水淺梔樹花。菱子

如繭。烏栖烏啼宮燭秋。越女入宮吳女愁。

廢居行

海濤翻空秋草短。白蛇入窠啗雀卵。經年廢屋

無居人。孕婦夜向船中產。歸來多兩臼。生魚穴。
蟲祝子滿戶。樞隣家置屋供官役。買得沂王園。
令宅。

古釵嘆

刑徒鬼火去飄忽。息婦堆前殯齊發。白烟淚濕
樵叟來。拾得慈獻陵中髮。青長七尺光照地。髮
下宛轉金釵二。持歸薰沐置高堂。包裹恐爲神
所將。妻兒朝拜復莫拜。冉冉卧病不得瘥。省知

天物厭凡庸。夜送白龍潭水中。扣頭卻顧祈免
死。永入幽宮伴龍子。

雙桐生空井

風飄白露井梧落。葉上九九綴靈藥。琴枝連理
鳳鳴晨。轆轤雙轉銀銜索。

飛來雙白鶴

飛來縹緲立在門。嚼銜竹花臆欲言。雄雌來去
眼如霧。客已彷彿知其人。笙簫忽遠不知處。知

在雲窻與綠戶。海峽其人坐簾。或或亦吟。或或

山中曲擬張司業。亦賦於言。或或亦吟。

夕煙沉。曙煙起。野爨濕茫茫。空竿弄塵水。橫欄

倚西南。雲生葉團團。如車輪。桑弓蓬矢。半不筆

去者送盡。無來人。捫蘿慟哭。初袖冷白首。空回

掃山影。

遠游篇寄府教景熙

朝遊扶桑根。不折拂日枝。莫食楚萍實。掬海

虹霓。黃鵠別我影。目盡漢水湄。况復銜其子。風

露何當歸。飄蕭軟桂叢。零落紫苔衣。夢魂知爾

處。落羽在瑤池。

峨眉老人別子歌

峨眉有老人。奉命過嵩少。天風吹西翼。冉冉明

夕照。濕塵紛墮天。髮白更待報。有子為異物。不

得入家廟。慟哭東南雲。相望滄海嶠。青鳥年年

來。寄書久不到。

瓊花引

后土祠前車馬道。天人種花無瑤草。英雲蓋珠
欲上天。夜半黃門催進表。酒香浮春露泥泥。二
十四嬌色如洗。陰風吹雪月墮地。幾人不得揚
州苑。孤貞抱一不再識。夜歸閩風曉無蹟。蒼苔
染糝烟雨泣。歲久游魂化爲碧。

短歌行

秦淮淺。日如沒。鷓白波。搖空濕弦月。舟人倚櫂
商聲發。洞庭脫木如脫髮。寒螿哀啼衆芳歇。晨
梳青林望吳越。吳歛越吟浪花舞。秋槎濕劍歸
無所愁。生酒醒。聞山鷄。石鏡飛花汗如雨。起招
如意擊樹枝。爲君悲歌君淚垂。

秋日擬塞上曲

落日墩堙北。妖星太白西。涼風吹沙磧。帳下玉
人啼。吹沙渡。吹草嘶。馬未知道醉後聞塔鈴。胡
天忽如掃。野駝尋水向。月行露下。胡兒食秋棗。

天恩收故園秋日曲四首

空園久閉無人住。城鳥應入巢。其樹食盡滿園
綠荔枝。引鷄飛去人始知。
茅茨竹外烟火青。杉鷄啁晰向田鳴。家家紅鹽
殷新杵。綠樹裹創子如雨。
龍蛇已去荒窟宅。翻藕人人下劍池。岸池藕盡
無浮葉。惟有青青榕樹枝。
粵王山下霧如雨。吹入羅襟楚女啼。身逐千艘

落南去。惟有檣鳥飛向西。

咄咄復咄咄

咄咄復咄咄。野風吹雲起。草垓竹塵陰。陰不見
山鷄飛上樹。海沒鷓鴣人。間舊事新白頭。淮南小
兒未識愁。淮南老翁叫無力。瓦盆盛水看日食。
桂花引

風生河漢吹鳴璫。桂宮神斧伐遠揚。西游真人
得竒曲。九門不鎖天。兩霜人間青煙濕。塵鞿藥

白嵯峨壓天夢

賦得建業水

建業水。秋風動揚子。魚龍夜落星斗南。潮沒潮
生蒼鶻起。他年冠蓋物具美。風吹小船入城市。
潮去不來風日死。白浪黃塵烟霧裡。中有長魚
食鱸鮓。解后食魚何處是。西上國門望武昌。風
雨徙魚來漢陽。武昌魚。勞聚寒慘。太白入月魚
膾臠。武昌城頭鼓紉紉。

賦得北府酒

北府酒。吹濕宮城柳。柳枝著地春垂垂。祗管人
間新別離。離情欲斷江水語。女兒連臂歌白紵。
淮南神仙來酒坊。甲馬獵獵羽林郎。百年風物
烟塵蒼老兵。對月猶舉觴。青帶淚濕女墻下。增
識行軍舊司馬。

楚女誼

楚山蕭蕭吹緋髮。楚女乘蓮歌夜發。年年種蒔

遲成藕。水深拔根絲在手。懸房學繭。秋雨多化。為魂夢。巢蜂窠。前花作實。采已盡。後花尚藥船。未過。昨昔浮萍。隨漲水。濕紫寒青。暴蓮藥。

後瓊花引

揚州城門夜塞雪。揚州城中哭明月。墮枝濕雲。故鬼語。西來陰風無。徒鷲神娥。慙空衆芳歇。一夕蒼苔變。翠髮宮花。宰簾塵掩。鞞玉萃無因。進吳越。灘灘淮水山央央。誰其死者李與姜。

邳州哭

邳州哭。井水竭。去年哭母瘴海熱。今年此日來。邳州毋死未。禪子為囚。邳州土濕。淚長在。化為蒼苔色不改。兩洗遊魂歸瘴海。

秋風海上曲

秋風吹水龍上天。龍女抱珠海底眠。水花生雲起如葑。神龍下宿藕絲孔。巨鰲鼉。鼉鼉鼓隨赤魚鱗。鬣陳旂。海人見此失。搦網歸對妻兒月。

下紡自言移家來磧中。十載秋風潮不上。老夫
一人語門前。見此已是開皇年。

明河篇

牽牛夜入明河道。淚滴相思作秋草。嫠女城頭
翫月明星君冢上。無啼鳥。天寒露淨沾衣巾。明
河倏化為白雲。雲飛蜿蜿秋在水。石壓槎頭海
烟起。

射鳩行

少年搦弩挾兩矢。朝射青鳩暮射雉。人言雉
蛇所化。欲食躊躇筋不下。街頭得錢爭買鳩。網
林挾藪無時休。老父勸兒食且止。燕安有毒况
珍美。爾不見鳩食半夏。鳴爾屋。爾母食鳩有藥
毒。

虞美人草詞

髑髏起語。鴟叫嘯。山精夜啼。楚王廟。渡淮風雨
八千人。叱咤向天成。白道身經百戰。轉危亾狼。

籍悲歌。出漢堡。夜帳天寒抱玉泣。血變草青烟。
曉濕他年。辟仇春草生吳中。草死無妾名。自從
爲草生。西楚得到吳。中猶楚舞。

劉寄奴草詞

榛中小草夏蔚蒼。葉如牡艾花如毳。少年防塞
得命生。出鏃肉中無粟起。向來神姦見白晝。濕
竹烟青聞杵臼。英雄奮臂徵此時。唾落虛空散
林藪。漢家白蛇入本紀。况是天王舊支子。豈知

首裔在民伍。蛇鬼猶呼帝小字。

雨中怨

妾在江南家。楚東憶君月。落雨聲空。夜來入夢
君無語。落月同看雨。不同。

白紵歌

江頭蓬沓走吳女。浣水爲花朝浣綵。晝隨晴網
曬日中。夜覆井闌飄白露。織成素雲裁稱身。夫
爲吳王戍柏舉。田家歲績供布縷。獨夜詎如妾

愁苦

王太師... 陌上桑... 白雲... 素雲... 殊... 夫

旭日瞳矓颺拂羽。落甚空條生曉霧。人生顏色

逐春妍。夏菜餵蚕少。絲縷蘭膏照。蠶未登簇露

濕頭梳。惟水沐。卻憐隣女學鍊真。藥爐七過煮

桑薪。縱逢蕭史上天去。甕盆生苔愁殺人。人喜

折楊柳

月時折柳江頭別。春去來看柳上月。翠翎小鳥

巢短枝。巢老重重編。販髮人生貧賤多。別離巢

中髮密。妾髮稀。人生富貴能幾時。年年柳色青

綠垂。

大胃蒼廢瑟詞。博太滌。色則。驚。林。端。表。事。成。梁

發埋空山。販繒客。草中惟弃秦時瑟。樵夫拾置

貽樂工。朱徽作絃如墨色。自從漢曲入鏡歌。清

廟無人傳不得。至今崔嵬聲已死。越庄春蟲聞

呪子。

蘇對侍。波天。飲水。薰谷。於

飛僊引遊沃州水簾谷作

赤城後門。槌花尾。溼浸靡蕪。洗蒼耳。小支菩提
海上來。天風吹下谷。簾水斜珠界。左轉復右。萃
蓋縣肝。三葉紫。內間內芝。承乳流。鬼母僊姝臨
洗胃。蒼龜守關朝太微。色阻讒神誣。奏事海桑
男子在謫籍。驅鹿行車閨。年至。

樊夫人上昇詞

四明山樊榭即漢劉綱與夫人樊氏上昇

處

石蠓粘牕。秋見海山鷄。夜啼弄毛彩。王孫吹笙
導夫人青髮凌風素霞在。兩塵離地白浩浩。河
西種星榆樹老。海桑童童日出歸。衣溼上池洗
頭草。

俠客吳歌立秋日海上作

潮動秋風吹牡荊。離歌入夜斗西傾。侶飛廟下
蛇含草。青拭吳鉤入匣鳴。

島上曲二首

皮帶墨鱗身卉衣。晚隨鬼渡水燈微。石門犬吠
聞人語。知在海南種蛤歸。
夫招賈客歲經遼。自到城中賣織綃。卻買鉛華
采珠母。檳榔露下月中調。

落梅詞

北風花慘枝。春風花慘衣。青鳥夢中見。畏來花
下飛。豈是得春遲。因緣別春早。夜濕灞陵苔。半
在古馳道。入瓦雪冥冥。離樹香草草。那無返魂
術。不忍見春老。

望蓬萊

青枝啼鳥波延延。方士指海談神仙。五雲垂天
光屬夜。老父相傳說車駕。千官此地佩宛宛。舟
發黃門止供頓。繞檣赤日護龍旗。西北驛書馳
羽箭。百年塵空滄海晚。月落無人度灞漣。鷄鳴
白石爛如銀。蓬萊不見夷州遠。

結客行

結客衛京師○棄家南斗陞○相看各意氣○欲取遼陽歸○事左脫身去○豈爲無所爲○家藏楚王子○手執五陵兒○泣奉先主令○白旗擲天揮○鞭屍讎必報○啜首捷終馳○力盡志不遂○以死謝漸離

古別離

仙人別母母哭啼○遺以神藥乃醉之○醒來哭定記兒語○食此庭前雙橘樹○葉能禦饑病能愈○豈侶當時逐兒去○隣翁有女立我前○取刀剖腹爾勿憐○但爾嫁夫能治田○生子不願生神仙

花卿冢行

山谷云花卿冢在丹陵之東館鎮至今猶

有英氣血食其鄉

濕雲模糊埋秋空○兩青沙白丹陵東○莓苔陰陰草茸茸○上聲云是花卿古來冢○花卿舊事人所知○花卿古冢知者誰○精靈未歸白日西○廟鴉啄肉

枝上啼絲州拓黃魂正飛

和靖墓

山中處士白麻履死後無書獻天子青童玄鶴
晝上天夜下玉棺葬湖水湖隄四合葑如髮芳
樹玲瓏倚春雪百年鳳舞雲霧空玉梳人間出
句越宮嵐塔兩恍如失飛網繞湖冠聚鷓琳宇
焚芝秋寂歷斗下無人祠太乙

蓮葉舟

淫雲冉冉依芳芷楚女神絃迎帝子天人種蓮
露染根一片碧花秋墮水笙簫聞聲影如夢浮
花漠漠船來重神蛟蛻腸江水滑化為五色光
陸離中有玉人跨蛟舞藕根斷絲罽人衣碧瞳
秋髮眠清夜按肌不粟清露下

玉井水

玉華翳日神封井液冷秋根洗雲影年年天女
下來觀露濕風吹太華項冰枝脫葉墜欲舞青

馬伺枝忽銜去。夜深井氣白吐虹。井中龍子如
守宮。凡人不取飲。此水往往夢寐游其中。

送人歸烏傷

湖邊老屋墻壓籬。饑鴉啄雪枝上啼。湖中葑田
產菰米。菖蒲花開照湖水。蒺藜老翁呼不起。曾
入東宮教皇子。文雅風流俱掃地。瓦磚擲人老
兵醉。後園小坊近市廛。借人樗蒲無稅錢。君歸
故里何所憐。

覓紫芝

少微昏見觜觶中。山深夜氣光流虹。青芝獨產
林下石。染根濕雲如紫漆。天門夢斷路初回。山
鬼守根不敢食。銀泥徹鎖守者疲。老翁持呪取
夜歸。明當食之聞鬼哭。對爾洗腸還入腹。

雨後海棠

春○光○搖○搖○一○萬○里○野○粉○殘○英○空○蜀○水○天○人○愁○溼○
紅○錦○窠○萬○里○移○根○泪○如○洗○蒼○苔○裹○枝○雪○墮○地○雨○

中聞有西南使化爲黃鵠凌空青開時銜花落
銜子綠章青簡下蓬萊滯魄游魂恨未已至今

揚州隱記

四後移根六十年秋原根石允芳鮮於位誰上季千金亦以人間即
八仙有入高周稱中吳遠近石土等如所或言天杖誠唐許
榮許中亦如保

紀太宗時事

城池風烟杯渡僧廣靈孤塔懸晝燈塔燈上齊
南高雲南高峰巔祠歛神靈旗蕭蕭卷清雨結
喉巫陽能楚語回望人烟塔峰北惟有空城臨
水澗赤蛇不神江海翻藪澤狐狸作巴舞當年

分第階防禦王鸞青鞭上天去

雪度

千山萬山雪崔嵬欲流不流水洄洄蟄熊出穴
戍草短客行心急夢歸來南園桑柘未生葉南
溪渡頭不可涉朝種木蘭拔爲檝

閱方史君登行狀

九江黥王所理州衰年文筆作諸侯唐人舊隱
衣冠盡歸闖宮潮不得覲天吳舞罷塵土飛甘

中聞有西南使化爲黃鵠凌空青開時銜花落
銜子綠章青簡下蓬萊滯魄游魂恨未已至今
鸚鵡啼猩紅不隨明月葬空中

登廣陵寺塔望南高峰

寺碑紀太宗
潛藩時事

城池風烟杯渡僧廣靈孤塔懸晝燈塔燈上齊
南高雲南高峰巔祠歛神靈旗蕭蕭卷清雨結
喉巫陽能楚語回望人烟塔峰北惟有空城臨
水滸赤蛇不神江海翻藪澤狐狸作巴舞當年

介第階防禦王鸞青鞭上天去

雪度

千山萬山雪崔嵬欲流不流水洄洄蟄熊出穴
戍草短客行心急夢歸來南園桑柘未生葉南
溪渡頭不可涉朝種木蘭拔爲楫

閱方史君登行狀

九江黥王所理州衰年文筆作諸侯唐人舊隱
衣冠盡歸闖宮潮不得覲天吳舞罷塵土飛甘

音載腥雲寄空殞當年電隙豈所問生死身名

惟轉瞬睦人共說方饒州番人作廟祠唐震

食齋歌送別方安道

山中齋發燒餘地與君為客同食齋齋長故君
收燼余君歸食齋如食茶我家甌越草應出土
湮烟青歸不得相逢舉酒復為別對君盤中不
忍食

夜宿南明縣齋

朝陰扣舷清剌曲暝投天姥峰前宿桂蟲食葉
露溼身影落莓苔雲蠹蠹天風吹枝斷未殊夢
尋香靄來絳車下車者誰藏姓氏夜嚮瓊臺讀
諸子覺來隱隱聲在耳月白西南望為水

書畫梅花水僊卷

風吹鞞露明微照芳雲弱植仙妹廟髻鬟零亂
在枕函月裏羅浮夢中到鮫綃拂塵蟬翼隔窻
霧凝寒唯影入曉來坐對殘空標翠翎不見額

黃濕

冬青樹引別王潛

冬青樹山南陞九日靈禽居上枝知君種年星
 在尾根到九泉雜龍髓恒星晝實夜不見七度
 山南與鬼戰願君此心無所移此樹終有開花
 時山南金粟見離離白衣人拜樹下起靈禽啄
 粟枝上飛

小元祐歌寄劉君鼎

甲子小元祐句章侵黑權臣死端平天子初
 改紀襲芳秦陵種蘭芷當秋淮甸枯草黃彎弧
 北向射天狼狐南星光天狗墮入蔡生擒完顏
 王是年南海無波浪月溼珠胎君以降只今六
 十空白頭獨騎麒麟補春秋天回星周美惡復
 人世更傳蔡州錄

句章見月食

穀州見月如魚口沫聚痕消暗牕鄞城見月

如破曰弃藥含口掛南斗龍蛇伏氣諸腦空水
中睡失群陰毋其間海禽獨夜啼黑雲赴海同
奔犀市人識毋不識父擊折摧扉救月死况值
蕤賓月十五千神附甲支在子孤子哀吟離楚
尾泪落荒江吊南紀猶憶秦淮哭日年不敢仰
視看盆水外亦南星火天向東人祭土命宗賦
避暑城西觀吳道子畫老君像黃學
濕烟掛龍天海頭角城溽暑如炎州白氛翳景

尖樓閣蓬萊縹緲不可求解衣揮塵子城下地
湧青蓮隣古社卷簾看畫人猶龍矯首見龍還
見畫碧幢髮雪垂過耳弄筆者誰吳氏子

趙安天北遊求詩安天韶王孫作詩送

湖南古之

海雲抱漚海水熱道路征人裹冰雪憐君獨作
萬里遊兩把蓮莖手中別蓮莖刺多蓮葉濕翻
爲君衣履爲笠汴南淮北多故人馬上相逢泪

相揖故園萋萋長草根。遲君歸來洗雨痕。青鞭
碧影角湖曲。芳夢猶到韶王孫。

遊暑崇法寺

城南古寺涼生處。草色遙連孝子墓。碁局雨生
苔鮮。文袈裟晴挂芭蕉樹。自昔闍黎脩白業。會
公唯與舒王接。只今塵土影堂空。石上猶鐫麻
紙帖。

鄞女墓

網草新垂月中露。青禽夜宿菱塘渚。寺西幽脩
雲覆土。知塋舒王下。殤女百年光塵事。事新皇
子夫人墓。作隣民間厭勝祈。新鬼穉鬼久隨風
雨陳。去來侶爾勿復道。白下鍾山夢中老。

寶幢山尋黃提刑震舊避地處

甬東寺裏逢陳若。雙袖龍鐘行帶索。問知黃公
舊避處。寶幢山下坐叢薄。日惟一食禱先靈。不
願拾得不死藥。仰天呼號得正終。一往不復至。

城郭公初著書女立旁公死毋亡家濩落子爲
戶曹取公女欲敘因由無與語得來與子行林
莽月落山空識其處

城西廢園

水門夾西兩連越。鄴瓦畊殘萍草茁。誰知當日
夫容園。濕路迷城暗車轍。夫容青根聯戚里。美
人對博蓬山裏。潮痕欲上紅露晞。知是日高梳
洗起。園南禁絕人行道。中有民間舊宿草。廢園
起。空鳴竊脂寒食始。應通祭掃。

瞻髮集卷之三

明長集卷之三

明長集卷之四

宋粵謝翱著

目錄

寄題何氏綠綺樓

夏日遊玉几山中

雨飲玲瓏巖下

翠鑠亭避雨

過舒臨海故宅

明倫彙編
卷四
鍊蛇嶺長耳僧

觀水

聽雨

寄所知

池上萍

十日菊

飲飛廟迎神引

鴻門讌

贈寫照唐子良

種葵蒲萄下

送殘暑

有洗舊誥綾作青色鬻將以爲緣以

緝繒易得之作手卷賦小樂章求

好事書其後

廣惜往日

雪中方四隱君訪宿有詩憶鹿田風

雨舊遊奉和併呈吳六贊府田風

九日五日

送袁太初歸剡原袁來杭宿傳法寺

寺在德壽宮北今行路及園即宮

舊址

雜言送鄭王簿炎之官昌化

避暑池上擬古

擬古二首

九日前子善來會山中

九日集葆山寺得載字

九日禺中登沃洲放鶴峯南望天台

諸山

五日山中

寄題山陰徐氏林亭三首

九日黎明發新昌望天姥峯

五日觀瀟湘圖

玉麈尾

鐵如意

謝子靜寄端午藥煎三首

因北遊者寄峨眉家先生二首先生

曾宰建之浦城故末章及之

寄東白許元發

秋暑飲僧舍分韻得界字

擬古寄何大卿六首

巖居效賈島

萍間稗荷效王司馬體

效孟郊體七首

曉髮集卷之四

古體

寄題何氏綠綺樓

北岸有高樓其南多藥樹仙人晝乘之遺佩鄉
江渚化為綠綺琴軫微微已具有客來南方振
衣坐其處風吹朱鳥巢欲落鳴至曙山分地肺
雲水流天目雨別去重所思別時不能去

宋粵謝翱著



雲水成 夏日遊玉几山中

曳舟來山中出郭稅吾駕獨慕忻衆勝晨發乃
及夜豈無城中山受此足幽野橫陳玉几峯隱
護甃殿瓦并州古男子禮塔於此舍而我飲冰
人猶爲內熱者擬携桃枝笙舒卷得餉暇明席
織海草因之一枕藉冷風吹雪空相與坐其下

雨飲玲瓏巖下

垂雲起嶽嵌衣被松與桂夜含星斗光隱若金

石氣雨來輒阻之不得撫蒼翠下有桑門子飲
用陶匏器盆中蓄海石左顧如牡礪疑此磧上
來不知幾年歲桑門却問客所居何姓氏回指
南海峯蒼茫倘一至

翠鑱亭避雨

亭有魏王妃所題字尚新
王嘗以皇子成德軍節度

使鎮明故
妃至其處

客有遊山衣著久如薜荔行行萬翠亭忽作風
雨憇仰面無所覩梁間有題字問此何人書婉

婉有弱氣云昔魏王妃學書侶李衛乘雲到此
山洒墨在空翠塵風吹土花倏忽景物異疑此
夢與仙不類人間世

過舒臨海故宅

破壁濕海蘚水邊日氣蒸云是舒公宅其孫艾
且仁昔公初作尉視事卽斬人上書稱臣亶待
罪滄海濱天子有詔至汝亶可治民爾時荆文
公上方邑之勤聞此輒異之久會公秉釣謂此
非狂狷引用至中丞立朝思寒諤庶以報君親
蘇公下詔獄讒者用事新於此與有力豈爲重
其身晴風吹海雨山川尚橫陳俛仰勿太息徒
爲驚爾隣

鍊蛇嶺長耳僧

嶺上有神僧風吹豎兩耳云昔垂至肩手提忽
然起遊方得至術來此制蛇虺衣縫獨繭絲裂
縫蛇盡死至今山下草食之蠱可已客去勿復

言海隅多幻詭

觀水

積陰生壑雨野水學江流對屋見燈火相望南
渡頭浮槎到高樹白黿起滄洲變怪若不測神
功安能尤稍退見涯涘及來痕沫收崩濤出白
石隱隱如博投水楊洗荒根素髮生古愁見此
倏若化故流還膠舟荒源不可詰欲盡山雲求

聽雨

山厨壓炊煙野雨起薄莫孤客卧空牀不識門
前路回風已若休入壑忽如赴荒林啼鬼車往
往不見處隣翁起厭勝况作禹餘步聽雨雜况
聲起歌助其語况靜雨亦止還眠向窓曙

寄所知

何處識君面青天雲霧裾携琴上衡霍玄髮向
風梳别去看流水三年此踏躡偶同海鳥夢爲
致空中書

空中池上萍

浮萍隨漲水。上到荷葉端。水退不得下。猶粘花
萼間。花殷青已見。葉翠枯始斑。何如根在水。根
蒂相團團。人生慕高遠。風雲事躋攀。絕髯尚號
叫。化爲鶴與猿。幸未及枯槁。萬里吾當還。

十日菊

今日非昨日。尚覺秋英好。明日異今日。秋英詎
云早。所以惜芳人。采擷常貴少。而彼千載士。憐
爾獨皎皎。晞霜敷朝榮。零露抱夕槁。千載且復
然。一夕寧恨老。

飲飛廟迎神引

劍歌兮擊筑。芟青兮蓼綠。夕濟甬兮沉玉。步巫
兮禹孫。葺神藩兮楚軍。神之乘兮海雲。嘒芳兮
越呪。斬將兮神祐。秋零露兮爲醑。春集鴉兮神
語。風蕭蕭兮滿旗。雲之車兮來思。

鴻門讌

送白
此詩
是也

天○雲○屬○地○汗○流○宇○杯○影○龍○蛇○分○漢○楚○楚○人○起○舞○
本○為○楚○中○有○楚○人○為○漢○舞○鶴○鶉○淬○光○雌○不○語○楚○
國○孤○臣○泣○俘○虜○他○年○疽○背○怒○發○此○砮○礮○雲○歸○作○
風○雨○君○看○楚○舞○如○楚○何○楚○舞○未○終○聞○楚○歌○

贈寫照唐子良

吳○中○衆○史○今○代○畫○不○獨○畫○人○兼○畫○馬○唐○生○家○住○
金○華○雲○對○予○獨○肯○畫○古○人○夕○陽○西○下○東○流○水○紛○
紛○古○人○呼○不○起○東○都○留○守○吳○中○豪○王○府○勲○僚○

俊○髦○當○時○氣○薄○陰○山○日○勾○陝○蒼○蒼○太○白○高○百○年○
水○竭○海○塵○上○誰○見○凌○煙○拂○蛛○罔○霜○髯○磔○磔○開○清○
新○彷彿○猶○帶○黃○河○水○忽○疑○稍○會○怒○色○止○或○可○從○
傍○窺○諫○紙○唐○生○見○我○淚○如○洗○頗○憶○古○人○今○不○死○
俟○我○氣○定○神○始○開○命○筆○更○起○唐○衣○冠○

種葵蒲萄下

莪○葵○花○種○蒲○萄○下○年○年○葉○長○見○花○謝○蒲○萄○漸○密○
花○漸○遲○開○時○及○見○蒲○萄○垂○微○風○搖○曳○架○上○枝○陰○

雲凝碧行琉璃。天人下飲蒲萄露。花神夜泣向天訴。謝爾蒲萄數尺陰。不如寸草同此心。

送殘暑

向已送殘春。當茲送殘暑。離尊雖不同。時節會有去。平生苦汗塵。欲避無處所。驪駒出商音。畏不將風雨。却憶別花時。紅塵挽衣履。回首漢諸陵。落日無窮樹。

有洗舊誥綾作青色。鬻將以爲綠。以紕

繒易得之作手卷賦。小樂章求好事書

其後

吳宮輦路傷行客。繭冰壓雲凝碧色。門前新掃染家隣。借人鋪設殘衣帛。宮花翦綾連院號。覆取翻看成一道。織紋宛轉勅字新。知是初誰六尺誥。城霞失彩宮。蘇病中與海圖上。衣領改顏倖。售綠所遭褪。藥玄香洗藍影。青綢易得淚承睫。擊筑楚歌無故業。歌殘求書好事人。異代倘

傳誥綾帖

廣惜往日

密真院絕粒示兒宋禮部侍郎謝枋得所作也粵人謝翹用其語為楚歌以節之其

詞曰

漢有臣兮龔勝卒噤不食兮十四日今忍饑兮我復渴道間關兮踰半月幸求死兮得死苟不得兮無術鳳笙兮龍笛燕群仙兮日將夕風吹

衣兮珮蕭瑟駿龍兮寥天行成兮緣畢

雪中方四隱君訪宿有詩憶鹿田風雨

舊遊奉和併呈吳六贊府

金華入北山空響出靜竚鹿田在其顛肺石來風雨有客六七人昔遊至其處唯我愁不眠起坐蹴君語謂此定何聲百感生離緒既非琴與瑟復異砧將杵醉者呼不應愁者自為苦空櫺怯孤衾展轉如巢樹濕歌散餘悲以足拊柱礎

号

詩集

卷四

七

江西

爾來又七年。欲至困羈旅。傳聞老桑門。已復蟬
蛻去。入山惡少年。巾鉢空其聚。乃知人世間。何
者為客主。而我同懷人。忽復異處所。夢中遙相
望。各抱不售賈。有客不同遊。亦是同懷者。地至
况有期。輿馬不待假。倘規宿山中。畸人不應舍。

九日

秋風颯以至。今日重陽日。眼明對南山。尚想陶
彭澤。向來建威幕。頗見有此客。驅車不小留。駕

言公田秫。一朝又棄去。此意誰能識。寄奴趣殊
禮。風旨來自北。只今王江州。建國功第一。故是
何珉孫。舉動良足惜。飲愧墾柴桑。稍以自湔滌。
殷勤白衣餉。猶恐不我卽。中路候藍輿。要致已
甚迫。葛巾赤兩脚。頽然向林宅。此翁本坦蕩。焉
能苦違物。雖然可計取。中實未易屈。華軒又何
羨。自載返蓬華。終身書甲子。往往義形色。如使
磷與緇。安得為玉雪。籬邊菊弄黃。粲粲正堪摘。

我方持空觴千載高風激

送袁太初歸剡原袁來杭宿傳法寺寺

在德壽宮北今行路及園卽宮舊址

大雷山下鄞江口石濕落星海涵斗莓苔鎖窓
居鬼神散髮天衣夜行酒百年綺語墮凡塵劉
公不還謝公走祗今零落三秋霜猶說先朝人
物數道逢袁家美年少欲挽吳潮歸兩袖自言
學出戴君門又說舒君忘年友舒君白頭爪麀

垢戴君業成衣露肘君來何處覓知音吊古淒
涼無老叟出門擇語歸計餐顧忌漸皇無不有
不如歸食空江槎初生淡菜如珠毋風帆送客
來夷洲白恰青衫談不朽君不見君今宿寺多
勤僧耆舊能言幾人在隔墻食柏秋麝過廢石
坡陁舊南內

雜言送鄭主簿炎之官昌化

鄭嘗兩請福州文解皆爲詞賦第一

劉先生名肩吾。閩中詞賦天下無。當年戰藝誇
 顏色。進士出身兩回得。盧公里人正在朝。相見
 相逢九官宅。余時猶弱起慨恍。謂此未足榮其
 鄉。丈夫事業在簡冊。要令姓字留耿光。繼聞鄭
 君年最少。人物氣象尤堂堂。白鹿山南介公後。
 禽蛟兩祭獅子王。夢魂欲見無由據。側荔芭蕉
 春復暮。時移乃爾來。雲間因作廣文求主簿。顧
 予多病澁語言。面垢毛焦著麻布。山中乞食城

中歸。徵詩送贈非所宜。已聞之。戍嚮昌化。此地
 人傳多畏怕。龍居嗜燕煙入巢。病甲垂欄腥雨
 下。又聞山鬼吹燈夜。來向人家避官舍。君持何
 術徑往居此。無百憂。便將天雷斧柄塞鬼穴。巫
 山鍊鎖沈龍湫。祗足自亂不得休。豈知從心致
 禱動幽隱。使龍無嗜鬼無愁。不知君能致此不
 龍不須酌以酒。鬼不須祭以肉。秋旗卷雨曉案
 煙。時向縣齋望天目。
一作龍不須酌以從

避暑池上擬古

遊子渺天末。晨光東南馳。良時不易晤。胡為徒
來茲。叢栢結夏塔。輕蒲生夕颺。空有齊紈扇。團
團手中持。持此欲永久。但感顏髮衰。愛爾雲中
鳥。浴彼道上池。餘翎委弱藻。飛去猶淪漪。極目
送不返。將以窮所思。

擬古二首

翔鱗化海鳧。不見腦中石。人生弃井邑。寄處終

為客常懷墳墓思。末夜良躑躅。秋風吹蓬顆。索
索如布奕。上為考與曾。下為叔與伯。豈無故鬼
悲。翻念遠行役。服藥得神仙。去後唯留迹。忽夢
南遊雲。相逐孤飛翮。

嶠南毒草花。離離北潭址。洗花潭洞中。水黑魚
盡起。豈無建溪菜。投之以方匕。南山有雨來。百
毒化為水。臨流招故人。洗髮弄清泚。

九日前子善來會山中

朝尋寒露枝。莫摘不盈把。風吹西南雲。幽情誰
與寫。有客來縉州。遺我古盞竿。中有鴛鴦文。色
如銅雀瓦。浮以鬱金麩。蒼蘚藉其下。此物寧足
感。聊用助歌者。但懷郢曲悲。豈計所知寡。

九日集葆山寺得載字

貧居懶出門。未到輒復悔。偶尋秋夕英。顧見石
璀璨。手斲松根苓。下有墳千載。青山如葆羽。無
人禁樵採。狂歌呼麴生。悲往興故在。未卜遇浮

丘猶堪居畏壘

九日禺中登沃洲放鶴峯南望天台諸

山

鏡面小蓬島。入剡脫我駢。舍權來沃洲。下嶺見
精藍。修眉浮天姥。天台在其南。良遊愛九日。巾
墮髮不櫛。醉浮秋夕英。饑食決明實。遠尋竺僧
迹。俛仰千載陳。狂呼許元度。王謝十八人。彷彿
川谷應。草木皆冥冥。便欲卽之語。又疑物所馮。

閑日游泰初寥廓以爲隣

五日山中

東隣拔蒲根南隣燒艾葉艾葉出青煙蒲根香
勝雪乾坤生燐火陰碧期月光煙隨艾葉散進
此菖蒲觴蒲觴益齒髮齒白髮如漆餘飲不盡
噐置之五七日五日化爲丹七日化爲碧一服
一千年令人生羽翼

寄題山陰徐氏林亭三首

見南亭擬古

青林見危構南山覆其陲林居何爲此所愛煙
霧姿上有鷓鴣鳥來從溟海湄飛止不他鄉畏
與宿願違違此頃刻間萬死莫贖之而憂中夜
露辛苦濕毛衣毛衣豈願濕卽濕非所辭莓苔
與蕙苾含弄寄相思

山陰茅宇

山陰久淒涼復爾見茅宇客來愛其人問此於

誰語自云邇先塋。玩構亦廬處。朝光凌爽氣。初巖亘修渚。平居猶介心。祇以自爲苦。日夕驅其奴。名之同所惡。驅汝汝不辭。我懷良可悲。

小華陽亭

句越山中長木蓮。華陽仙女此餐煙。松花飄落無尋處。都在徐君劔樹邊。

九日黎明發新昌望天姥峯

南明剡東山。虧蔽草與萊。前岡接遠阜。樹石如

苔莓。西南見天姥。旭旭雲日開。下有采藥徑。仙人招我來。手持白菊花。泛以青螺杯。傾杯化靈藥。蕤芳入客懷。俛視浮爨居。白氣爲塵埃。涼風吹脫巾。一往不願回。便投此策竹。騎龍下天台。

五日觀瀟湘圖

五日泣江離。騷人沉佩襟。年深吊古客。滿門垂艾葉。旣垂青艾葉。復競畫舟楫。明時內閣子。供奉進瑤帖。豈復懷沅湘。歷舜愬往牒。江流物色

聯髮集 卷四
改看盡淚承睫彷彿舊居人指點失故業三戶
空鳥啼九疑列如堞

玉麈尾

客持麈尾柄色奪環與玦塵心隨影祛一片若
行雪神獸潛空山何年探靈穴忽失落人手遂
爲談者悅陰厓起白氣篆古踰軒頡一拂沉蘚
文再拂字不滅三拂蛟螭騰世眼不能別投爾
陰厓顛驚怪吐其舌

鐵如意

仙客五六人月下閨婆娑散影若雲霧遺音杳
江河其一起楚舞一起作楚歌雙執鐵如意擊
碎珊瑚柯一人奪執之睨者一人過更舞又一
人相向屢傴僂一人獨撫掌身挂青薜蘿夜長
天籟絕宛轉愁奈何

謝子靜寄端午藥煎

麩桃弄朝煙含蟲鍊百杵山人入藥錄搗日月

逢午其酸雜衆味能生王池乳頗憶越唵人性
靜無所苦中年白髮生寄以潤肺腑爲謝山中
人願結山中侶

因北遊者寄峨眉家先生二首先生曾
宰建之浦城故末章及之

靈關高縹渺縹緲出層城其上盤紫雲倏忽牛
馬形交青不栖樹浴彼清泠泓唯有孤鸞鷲銜
命此山靈迎風逆寥廓杳杳西北征羽毛中道
折六月霜霰零回首靈關雲流下如懸纓

江淹所治縣粵王曾種樹山人雨後來空臺唯
宿莽故人出端平子孫今不武寥寥南峯寺枯
禪尚靈雨猶記桐鄉祠影前及僧語

寄東白許元發

昔我來南方采藥與君遇仙核墮寒蕪水花明
遠渚雲空叅語外露下離立處別來荒煙中五
寒與暑寒暑豈異初肌髮不如故聞處人道

變未得世病愈驅車望東白此情那可遯倘及
乘青蜺為君拂塵羽

秋暑飲僧舍分韻得界字

夜露搖井梧明河涵左界酣眠知何益筋力久
已懈餘氛薄中餐幅巾無所挂欲去豈不能有
興輒中敗浮醅濟瓜茗陰鼎漉薑茶忽醉此山
中解衣如脫械涼颼掃地生塵暑焚香邁空巢
見落毛石髮卷如蠶

擬古寄何大卿六首

空山產桐梓擬作膝上琴琴成不他飾種漆江
之潯獨無徽將軫何以發商音但得獨繭蠶飼
之扶桑陰烹魚腹有膠不患海水深

雄雌雙碧雞所食琪樹蘂來棲藥洞中當春怕
乳子其雌秋別時守此唯雄耳可憐銜子歸萬
里渡海水

世傳賣藥翁出市恒騎虎謁來空山中恨不輒

與語長嘯歸無家。獨指梧桐樹。既指梧桐樹。復
采梧桐子。持以贈所思。浩歌聊復爾。

石間道人影。見者恒髣髴。浮雲過列仙。與語呼
之。出身亦竟不出影。亦竟不沒含涕謝。仙人天
地此終畢。

流來山中花。絳碧三百里。漪漪歛硯雲。含風入
秋水。五芝與八石。往往產其沚。豈獨秘靈文。亦
複隱奇士。不見施家郎。詩詞獨清泚。一朝控白

吹笙洗塵滓

山人食木實。竹實以飼鳳。聞此來空煙。三載脫
塵鞿。不見玉笙音。唯聞溪鳥弄。西臺憶故人。野
祭忽如夢。仰視浮雲馳。不覺哭之動。

巖居效賈島

巖巖百尺屋。山鬼寂四壁。獨抱震餘桐。橫此風
中石。夢見一道者。手持青瓦礫。謂此有至音。世
人不能識。粟塵起嵯峨。滄海寄一滴。語罷失其

明髮集 卷四
處覺來空嘆息。攝衣起楚歌。斷弦如裂帛。懸藤
月露深。蛟龍舞其側。

萍間稗荷效王司馬體

初萍半含絮。頃刻開數畝。荷生浮其間。風雨足
解后。百年游子心。欲作千歲久。昔爲浮萍根。今
爲稗荷藕。荷高刺已生。魚遊觸其首。離離荷下
萍。吹向白魚口。

效孟郊體七首

手持菖蒲葉。洗根澗水湄。雲生巖下石。影落莓
苔枝。忽起逐雲影。覆以身上衣。菖蒲不相待。逐
水流下溪。

移參牕北地。經歲日不至。悠悠荒郊雲。背植足
陰氣。新雨養陳根。乃復佐藥餌。天涯葵藿心。憐
爾獨種參。

閒庭生柏影。荇藻交行路。忽忽如有人。起視不
見處。牽牛秋正中海。白夜疑曙野。風吹空巢波。

濤在孤樹

落葉昔日雨地上僅可數
 今雨落葉處可數還
 在樹不愁繞樹飛愁有空枝垂
 天涯風雨心雜
 佩光陸離感此畢宇宙涕零無所之
 寒花飄夕
 暉美人啼秋衣不染根與髮
 良藥空爾為
 越禽惜羽毛不向惡木棲
 木奴重踰淮愛爾巢
 其枝巢枝不食實中有二老
 棊孔子月明中夢
 繞東南飛

弱柏不受雪零亂蒼煙根尚餘
 粲粲珠點綴枝
 葉繁小榻如僧床下有莓苔痕
 對此莓苔痕三
 年不敢言莓苔儻可食
 嚙雪待朝暎豈無柏樹
 子不食種在盆

閨中玻黎盆貯水看落月看月復看日
 日月從此出愛此日與月傾寫入妾懷
 疑此一掬水中
 涵濟與淮淚落水中影見妾頭上釵

子不食蘇并盆
 手不嫌言華苔黦
 葉繁小耐咬曾末
 兩昨不受雲零眉
 不食蘇并盆
 手不嫌言華苔黦
 葉繁小耐咬曾末
 兩昨不受雲零眉

聯髮集卷之五

宋粵謝翹著

目錄五言近體

二首

答煙蘿隱者

送人還蜀

憶梁禮部椅

拜玄英先生畫像

哭正節徐先生

送汪十

槿樹

悼南上人

元日讀老子望瀑作

雨中觀海棠

宋興哭所知

御製集卷之月十日

九日韶卿子善有約不至子靜亦歸

桐廬與景雲飲瀑下作

呈王尚書應麟

山陰道中呈鄭正樸翁

送毛耳翁之湘南

寒食姑蘇道中

別子靜卻送之雪

哭肯齋李先生

八詠樓李次主

至日憶山中客書

懷峨眉家先生

哭廣信謝公賦南

雨夜呈韶卿復五對餘

暮春感興

秋日憶過秦國公主園

送道士歸赤松

夜坐呈韶卿

韶卿住烏傷寄劉元益

寄贈王僉判龍澤新之官廣陵

十日菊寄所思

巳丑除夜

元旦立春

寒食同方行父明中往淥渚舟中作

寄東安方子仁

寄育王賢上人

海亭夜坐

魯國圖詩并序

董孝子墓

中秋憶山中人

僊華山招隱

野霞觀瀑

萬松道中望南太白

過孫君文舊避地處

春日遲子芳遊烏龍山

奉和毛益亂後經太白墳

憶過徐偃王祠下作

山驛送春

蜂

雨中感懷

桐華

僧池青蛙

夜宿江山寺

雪榻瀑布

虎石

寺南小池

夏夜山房會宿賦得竹禽

芭蕉雨

中秋龍井翫月

送僧之天台

雪水

用韻酬友人憶寄

鼓子花

山寺送翁景芳歸觀

寄朱仁中

僧舍避暑分韻得入字

遊釣臺

西臺哭所思

江上別友人蘇贊人字

題翁徵君集後

除夜聞雷景長融賦

元日枕流亭聽雨

春日寄書代鄉人答

人日雪

早春寄嶺海流人

兩宿太白

採藥候潮山宿山頂精藍夜中望海

夜宿雪竇上方

晞髮集卷之五目錄

杜鵑妓收中使客。民買內醫田。到此聞鄰笛。離情重惘然。

苔煙蘿隱者雲。紫苔生水底。白髮坐巖前。野鶴下窺影。山人疑問年。微嗟度小劫。勞贈遠遊篇。

送人還蜀

白髮夢鄉國。君歸路不迷。泐槎秋見草。荒棧夜

聞雞。月過秦涼北。星深河漢西。何因到卻返。吳語話分携。

憶梁禮部椅

閒庭芳桂叢。相憶曙雲空。文字能娛老。莓苔此興同。青山明月下。家口少微東。歲晚西莊路。柴門語自工。

拜玄英先生畫像

來此得公真。塵埃避隱淪。水生溪榜夕。苔卧野

明身集 卷五
衣春兩豕侵吳甸荒祠侑漢人微銓值衰世爲
爾獨傷神

門語自哭正節徐先生

淒涼携子女冠佩赴重陰塌井千年事青天此
夜深哀辭山石刻卹典海舟沈里族南薰夢東
都直至今

請請介送汪十

多年隱賣漿此去結山房掃菌侵花落種松如

草長老期秋欲至貧味水初嘗歲晚逢樵獵音
書定不怠

槿樹

白犬吠行人西風杵臼新洗香澄宿水曝髮向
秋隣野草依溝盡宮花入帽頻人家小門徑憐
爾獨相親

雪賦白悼南上人

翻經卷未終聞打寂時鍾盡說他身在唯應外

國逢錫聲歸後夜。琴意滿諸峯。憶昨安禪處。湖
雲起白龍。南土入

爾能休。元日讀老子墜瀑作

空山無轍迹。懸水下分洪。醉醒聽猶在。寒暄色
不同。異書天姥秘。靈物乳池空。祇憶殘年雨。先
流到海中。

青炎不雨中觀海棠

風次簾網動。對爾惜芳菲。蜀雨何人在。吳宮祇

燕歸燭。消春粉。盡淚濕野香微。抱蘼殘青子。鳥
啣隨處飛。

哭所知

總戎臨百粵。花鳥瘴江村。落日失滄海。寒風上
薊門。兩青餘化血。林黑見歸魂。欲哭山陽笛。隣
人亦不存。

二月十日

山居少四隣。楮葉半爲薪。野色生遙念。空江滯

此身風濤春憶越。親舊晚游秦。獨擬尋鷄犬。雲蘿挂葛巾。

九日韶鄉子善有約不至子靜亦歸桐

廬與景雲飲瀑下作

揉藍染釣緡。欲老此江濱。九日寒泉水。他年白

髮身。隣州曾約客。別業未歸人。嗅菊知吾事。那

能更問津。

呈王尚書應麟

寒風吹鬢影。客淚濕衣塵。千里積水滿。城無故人船。歌甌雪盡。劍舞越花新。獨憶絲綸老。相從話所親。

山陰道中呈鄭正樸翁

楊柳遠天色。野風來水涯。異鄉同夢客。今雨故

人家。越樹夜啼鳥。禹陵冬落花。悠悠江海意。為

爾鬢先華。

送毛耳翁之湘南

湘草碧於水。王孫尚此留。一身行萬里。雙鬢集
諸愁。月落嶽雲曙。龍逝海兩秋。可能無事業。相
見竟悠悠。

寒食姑蘇道中

頻年感煙草。荒塚幾人耕。吳楚逢寒食。山村見
獨行。天陰月不死。江晚汝徐生。到海征帆影。悠
悠識此情。

別子靜卻送之雪

獨往知吾事。語離何所求。故家無別業。殘夢下
扁舟。積葉吳宮冷。吟猿鶴渚秋。那能不相待。羈
旅負清遊。

哭肯齋李先生

落日夢江海。呼天野水涯。百年唯此死。孤劍託
全家。血染楚花碧。魂歸蜀日斜。能令感恩者。狼
籍樹荒遐。

入詠樓

江山此愁絕寒角夢中吹飛鳥過帆影遊塵空
戟枝水交明月動槎狀故洲移已薄齊梁士猶
吟沈約詩
春日夢至日憶山中客
山村雲物外至朔閏年愁獨客語茅屋樵人共
白頭驛花殘楚水烽火到交州欲隱裂裳帛春
來重結裘

懷峨眉家先生

露下濕百草病思生積愁窟泉春洗屐氈雪莫
過樓魂夢來巴峽衣冠老代州平生仗忠信心
自與身仇

哭廣信謝公

自爾逝名姓終喪哭水濱海僧疑見貌山鬼舊
爲隣客死留衣物囊空出告身他年越鄉值賣
十有斯人

雨夜呈韶卿

相看隴水雲。一夕幾回分。預恐今宵雨。他年獨自聞。野花同楚越。江靄雜朝暝。不得鋤芝木。逢樵却寄君。

暮春感興

天涯芳草夢。此意未應泯。獨對風煙老。虛為江海人。漁樵分落日。櫻筍過殘春。舉世無知己。他生應逐臣。

秋日憶過秦國公主園

野影林檎盡。山昏瓦塔齊。涼宵風雨過。一鴈西南啼。嵐霧洗巾幘。井泉生蒺藜。傷心拂塵塵。衣淚濕空綈。

送道士歸赤松

閒身可得仙。諸妄覺他年。夜氣浮秋井。陰花冷碧田。禮星逢鶴下。呪食待人眠。叩齒通懸解。祠堂山影邊。

送僧之天台

石橋南北路。師到動經旬。尊者定中影。凡人回
去身。戴經支錫重。作禮納巾頻。杯海歸何日。長
眉問四隣。

雪水

寒英漲碧沉。浴鵠冷難禁。太白消秦日。中濡接
蜀陰。頻湯清洗瘴。入茗味如參。人世淄澠口。應
疑別未深。

用韻酌友人憶寄

麻衣拂市塵。外事不干貧。野氣生寒井。天陰壓
莫春。閑身分楚鞞。白髮作吳人。已斲薜蘿徑。青
鞋憶寄頻。

鼓子花

塵濕西風淚。溝西影見君。碧衣羞遠日。天夢冷
秋雲。蔓引山精徑。籬依楚女墳。海邊逢賣藥。采
實故應分。

山寺送翁景芳歸觀

弱雲竹水湄。葉影碧離離。野別如秋夢。他宵獨
爾思。林殘西域果。鍾動下方基。可得朝還莫。相
看長在茲。

寄朱仁中

聞君經亂後。居處畏山顛。家在聚如客。糧餘食
帶煙。戍鴉分落日。燒草共殘年。因憶先丘壠。于
今是極邊。

僧舍避暑分韻得入字

故人隔天風。海水吹不立。聊將塵渴心。遠赴山
中汲。晴香芝菌生。暝翠霧露濕。唯應雞犬深。幽
林聽經入。

遊釣臺

古臺臨釣渚。遺像在蒼煙。有客隨槎到。無僧依
樹禪。風塵侵祭器。樵獵避兵船。應有前朝蹟。看
碑數漢年。

西臺哭所思

此二首印

西臺初云

記年河

郭也

殘年哭知已。白日下荒臺。淚落吳江水。隨潮到海迴。故衣猶染碧。后土不憐才。未老山中客。唯應賦八哀。

江上別友

相看仍慟哭。欲學晉諸賢。戍近風鳴柝。江空雨送船。翔雲侵別色。南雪憶歸年。擬共鋤青木。無為俗事牽。

題翁徵君集後

樵獵識冠裳。何言志四方。離秦風日冷。過楚薜蘿長。野夢違徵詔。衰年枉薦章。故山唐室晚。應種木為糧。

除夜聞雷

牢落長為客。殘年獨擁衾。燈分寒夜火。雨過震餘陰。搗藥滋玄髮。書符馱黑稜。相看故鄉淚。不敢效吳音。

元日枕流亭聽雨

...

征鐸殘年雨。嗟聽憶到城。愁雲侵歛盡。夢日向
吳生。藥產難離性。灘流不淹聲。他宵樺燭飲。因
想此中行。

春日寄書代鄉人答

滄江失釣緝。白社苦嗟身。風雨他年別。干戈舊
國貧。春祠占遠夢。臘市憶行人。故壘夫差地。遙
知哭為親。

人日雪

連年逢此日。寂寞在山居。故國雲歸盡。高杉雪
下初。陰霾占戶口。雷電失天書。可得俱無事。清
嗟始晏如。

早春寄嶺海流人

短褐隨南賈。衰年異壯遊。龍旂虛左箇。鴻影別
中州。晚避高麗使。春乘百濟舟。王孫與芳草。相
憶可能留。

過孫君文舊避地處

相逢還自失。相見盡天涯。隣壤初移戍。空山此
寄家。剪茸春過鹿。伐竹舊燒畬。去後餘荒槿。依
溝結影斜。

春日遲子芳遊烏龍山
烏龍煙靄比。君去為親留。綵舞初離席。音書缺
寄郵。雨登人日冢。槎別客星洲。應有他宵約。相
從及此遊。

奉和毛益亂後經太白墳

遙知風雨後。明月濕江離。幾處如寒食。荒流空
莫思。雨畊侵壞冢。春網得沈碑。若起論茲世。先
生何所為。

賦黑漆憶過徐偃王祠下作

徐王遺蹟地。花落舊巖阿。山鬼下茅屋。野雞啼
芋蘿。別祠江路見。疑冢草間多。寒食思家客。空
村記所過。

山驛送春

逢春憶舊時。愛著舊春衣。雨別如知處。天涯應
共歸。驛花留客盡。帆日聚鴉微。歲歲子規鳥。寄
巢於此飛。

蜂

蛹黑春如翳。寒厓舉族懸。撲香粘絮落。采汗近
僧禪。聚暗移花幄。分喧割蜜煙。閑房無處著。應
架井泉邊。

雨中感懷

幽齋蒲稗裏。夜色入柴荆。坐久雨聲絕。水深荷
刺生。聽猿思楚宿。失鶴夢南征。白屋青山下。何
年返舊畊。

寺園對桐華

隨風泊釣槎。弄日色侵霞。燒地不鋤草。荒池舊
漚麻。偶尋僧坐石。見落鳥銜花。餽粥春寒後。多
逢棟樹家。

僧池青蛙

隱見多無定。時開一道萍。瘦分荷背白。身帶蘇
文青。吐電收寒井。隨僧入淨餅。栢壇祠后稷。應
想作龍靈。

夜宿江山寺

寺圖接異境。僧影濕香煙。落月安禪處。翻經置
縣年。天河當夏白。泉水入杉懸。到此懷甌越。空
家寄海邊。

雪榻瀑布

漱石清塵暑。雲深畏解携。寒巖蕭寺下。縣水薜
陰西。鳥浴濕栖樹。花流晴下溪。謫龍聞呪起。竒
服反初笄。

虎石

寺深留片石。山雨長苔新。昔日栖禪處。遺風想
至人。錫前行虎獨。鍾後到猿頻。越客因逃暑。於
茲喜掛巾。

寺南小池

寺南疏小沼堤隱獺行踪杉影動寒水夕陽藏
 半峰清涵落鳥毳寒怯病僧容聞說初開日鉢
 盂盛養龍

夏夜山房會宿賦得竹禽
 入竹雲初翳餘更警露禽羈雌迷故侶涼意滿
 西林雨宿移枝暗明翻下籜深微陰觸幽興離
 思不能任

芭蕉雨

楚燈前侶芭蕉海上身涼宵知過雨病葉與
 羈人白屋愁看曉滄洲宿語貧西南多苦竹應
 與越禽憐

中秋龍井翫月

逢秋月再圓不與復休眠腦滿魚龍夜精藏樹
 石年嗅衣腥在水窺戶影疑禪長嘯望參伐行
 來精舍邊

夜坐呈韶卿

脩行吳楚間。鶴去杳難攀。衰世已如此。愁身更
入山。巢居避太歲。藥飯救羸顏。故友在江海。相
思不得還。
韶鄉往烏傷。寄劉元益。魚書年歲失。莫
他日憶逢君。林中訪惠勤。鹿麕行處見。流水別
時聞。草沒秦人冢。山通越國雲。音書年歲失。莫
訝白鷗群。

寄贈王僉判龍澤新之官廣陵

多君孝子里。雲物尚依然。歲晏木葉下。月明湖
水邊。看圖須女分。對策亮陰年。到此若爲別。猶
言贈馬鞭。

十日菊寄所思

籬菊是秋隣。青蕤幾日新。忽逢初過節。相憶早
衰人。囊枕離湘濕。分杯度嶺貧。想應無事業。遙
念更沾巾。

巳丑除夜

鬢絲殘雪影况復在塵埃暮色隨鐘盡年光逐
水來隣通燈下索鄉夢戍邊回明日聽春雨渡
江登越臺
元且立春
椒栢多年樹閑庭憶粵鄉發春當獻歲爲客未
休糧飲後憐衰齒行南避忌方星周元朔曆時
運可能忘

寒食同方行父明中往涿渚舟中作寄

東安方子仁

自食嶼雲薇聞君白接籬謁靈隨社到爲客寄
音遲瓢入新城水舟回故渚祠南衣離火浣垢
散禁煙時

寄育王賢上人

于今秣老身從昔少埃塵失蜀年爲客居山石
作隣南遊宗竺法西語問巴人開戶藤花落多
浮茗椀春

海亭夜坐

孤身滯海垠暑溽上南雲歸日喜秋近愁人畏
夜分坐涼依井氣眠濕動星文故友在山北音
書不得聞言王寶土人

魯國圖詩并序

翺嘗乘舟至鄆望海上島無數其民多卉
服過蛟門登候潮山被髮楚歌歌罷輟復
哭思夫子浮海居夷之義至定海學故石

刻盡什泥淖中新刻復闕茸讀即怏怏乃
汲水洗故刻得紹興間邑令趙所傳魯圖
自云齊梁父諸山川至洙泗間巷里廟社
井墓歷歷如指諸掌遂摹其本歸過浦汭
方君景山與栝人吳思齊率其徒為講經
社得思陵所贊夫子像揭于庭朔望拜進
退興俯殊習乞翺所摹圖與像對翺喜而
歸之且書其後為之詩曰

秋風嶽下城海客見圖新樹入舞雩里水來浮
磬濱東封餘輦路西狩問虞人被髮逢夫子狂
歌作放民

董孝子墓

修修古孝子家移來水旁母病食此水母死葬
其鄉殺人自白吏就家起爲郎至今廟下草猶
帶食水香

中秋憶山中人

茲夕發清嘯爲君楚舞終西風五陵夢涼露九
霄中野邏煙常起溪流榜不通天陰無乳兕林
盡見飛鴻濕濕雲垂髮九九樹偃弓劍歌玄武
莫塵語白鷗空祇有淮南泪應沾青桂叢

僊華山招隱

黃帝女昇仙處山下有昭靈祠獻陵賜額
猶在

軒后悲蒼劍神娥下玉簫攀髯初失夢遺蛻尚

明皇集 卷五
凌歊碧墮升棺影青分產柱苗山精依鹿竹天
雨濕雞翹有約成孤憤無人重久要豢龍因姓
氏使鶴語軒輶冉冉將終老冥冥不可招無書
寄青雀有恨在中條

野霞觀瀑

他年䟽上浮早日此中投汲飲當魚入垂綸即
虬遊淨祠無血食喫雨不腥流僧語皆前事人
來盡別州草諳長過雪沙犯欲捐湫至竟何求

山蒼茫難禱求

萬松道中望南太白

筓輿行萬山中有十里亭老樹祇一色野公逾
百齡柴關當太白藥氣近樵青岡草粘枯翼巢
枝落退翎期探幽谷水共斲松根苓艾納下天
兩塵風吹冥冥

兩宿太白

有阜陵書太白
名山賜僧了朴

城中家芥冰此地絕炎蒸天食青童捧龍居白

氣升暗燈猶宿火寢服尚衷繒客話從前事書
傳入內僧風流今獨盡雲物老相仍淨榻搜涼
卧危闌入醉凭兩師行下界鳥夢識中乘明發
甬南去他山逢智弘

採藥候潮山宿山頂精藍夜中望海

蛟門南去鳥此地望迢迢積濕侵幡黑生寒入
夢飄見燈歸舶夜聞偈解朝土植皆為藥山枝
不滿樵暗光珠母徙秋影石花消擬候槎回漢
日出羽旌焉可招

寧其客老遼卻尋徐福島因問秦皇橋於彼看

夜宿雪竇上方

雪竇師刻人住邊
支遁林買山隱處

眠山枕斧柯獨客受盤阿畏日生塵夢尋仙到
鳥窠下方聞夕磬南斗挂秋河寢服侵雲卷頰
泉通瀑和竇分滄海月禪入沃洲歌此地精靈
聚中宵弄薜蘿



梁中書丞孫

宋武烈味與公命其以幹人天賦得此此林靈

那山洲來國前容之龍四四日十武武春山四

晞髮集卷之六

附錄

目錄

明欵後學程煦校

謝處士傳

鄞江任士林

又傳

金華胡翰

又傳

金華宋濂

謝君臯羽行狀

東陽方鳳

謝君臯羽壙誌

永康吳謙

宋隱士謝臯羽先生墓碑記

撫吾臯所許也 東野古鳳

又對 金華宋燕

又對 金華貼餽

撫處士對 謹云升士林

目錄

目錄

用揚子學野照林

晞髮集卷之六目錄終

晞髮集卷之六

附錄

謝處士傳

鄞江任士林



謝翺者字臯羽閩人也父鑰性至孝喪母行服廬墓終身不仕咸淳初翺試進士不中慨然以古文倡作宋祖饒歌鼓吹曲騎吹曲上太常樂工習之人至今傳其詞侷儻有大節嘗布衣杖策參人軍事未幾善哭如唐衢過姑蘇望夫差

之臺慟哭終日過勾越行禹窆間北鄉哭乘舟
至鄞過蛟門登候潮山感夫子浮桴之嘆則又
哭晚登子陵西臺以竹如意擊石歌招魂之詞
曰魂來兮何極魂去兮江水黑化爲朱鳥兮有
味焉食歌闕竹石俱碎失聲哭何其情之悲也
所知淪沒碧血濺空山川池榭雲嵐草木與所
別處及其時適相類則徘徊顧眄悲不自己夫
鳥獸喪其群匹越月踰時則必巡過其故鄉翔

回焉鳴號焉躅躅焉踟躕焉然後乃能去之若
翔者章皇山澤惡夫淚之無從也旣客浦汭往
來桐廬人翕然從翔學所爲歌詩其稱小其指
大其辭隱其義顯有風人之餘類唐人之卓卓
者尤善叙事有良史材作南史帝紀二十贊采
獨行秦楚之際月表所歷浙東西州佳山水必
有游記當天大廣大足歷燕魏趙代間遺事故
績且涉大瀛海外盡識風物鴻濛之初度越子

長矣惜其悲鳴煩促天性固然其亡乎其亡乎
士克克入矍相持解不去憎聞翺翺自若也易
曰浚恒貞凶無攸利翺之謂乎或曰伯夷叔齊
何人也曰古之賢人也曰怨乎曰求仁而得仁
又何怨屈平非怨者邪精神漂散鬼語神詞變
幻不測翺豈平伍耶初翺亡恙時得唐方干舊
隱白雲村建炎四年江端友呂居仁未翌諸賢
爲文祭臨水之神避地於此翺曰死必葬之作

許劍錄逮疾革語其妻劉氏我死必以骨歸吳
思齊方鳳葬我許劍之地二人果聞訃至與方
燾方幼學馮桂芳翁登翁衡奉骨葬如志夫以
死生託人不爽曠日信矣哉其徒吳貴買田月
泉精舍祠曰晞髮處士歲時奉烝嘗云
贊曰唐宰相董晉爲汴州辟韓愈從事愈激知
已稱隴西公而不姓晉死從裴度度乃不引愈
用愈作吊田橫文以著其哀若翺者夫亦橫之

客也歟

又

金華胡翰

謝翺字臯羽建寧人也家故羸於財父鑰居喪
哀毀人稱其孝宋咸淳初翺試進士不第慨然
求諸古以文章名家元兵取宋宋相文天祥亡
走江上逾海至閩檄州郡大舉勤王之師翺傾
家貲率鄉兵數百人赴難遂參軍事天祥轉戰
閩廣至潮陽被執翺匿民間流離久之行間抵

勾越勾越多閩閩故大族而王監簿諸人方延
致游士日以賦詠相娛樂翺時出所長諸公見
者皆自以為不及不知其為天祥客也然終不
自明且念久不去人將虞我矣乃去而之越之
南鄙依浦陽江方鳳時永康吳思齊亦依鳳居
三人無變志又皆高年遂俱客吳氏里中得其
餘日以自適一不問當世事翺嘗上會稽循山
左右窺祐思諸陵西走吳會東入鄞過蛟門臨

大海所至歔歔流涕晚愛睦州山水浮七里瀨
登嚴光釣臺北向舉酒以竹如意擊石歌曰
歸來兮何極竟去兮關水黑化為朱鳥兮有噉
焉食歌已失聲哭人莫詰其誰何唯鳳與思齊
深悲之初江端友呂君仁朱翌辟地白雲源源
故方干所居在釣臺之南翺率其徒游焉願即
此為葬地作許劒錄及翺居錢塘病革語其妻
劉曰我死必以骨歸方鳳葬我許劒之地鳳聞

評訖如其言鳳字韶卿由太學生授容州教授
治毛氏詩陳宜中當國禮下之命其二子大登
小登授業焉同郡黃潛柳貫皆出其門好獎拔
士有一善未嘗不與之進思齊字子善其學本
之外祖陳亮用陰補官攝嘉興丞數以書干宋
臣用事者言賈似道母喪不宜賜鹵簿責文及
翁頤忌爭不力猶不爭耳又言御史俞浙以論
謝堂去職
宰相附貴戚塞言路如朝廷何思齊雖有寒疾
耳聾遇事不以勢移不以貧屈自號歸全子云

謝翱父傳

金華宋濂

謝翱字臯羽福之長溪人後徙建之浦城父鑰性至孝居母喪哀毀廬墓終身不仕通春秋著春秋衍義左氏辯證傳于時翱世其學試進士不中落鬼漳泉二州僮有大節會丞相文天祥開府延平長揖軍門署諮議參軍聲連梁楚間已復別去及宋亡天祥被執以死翱悲不能禁隻影行浙水東逢山川池榭雲嵐草木與所

別處及其時適相類則徘徊顧盼失聲哭嚴有子陵臺孤絕千丈時天涼風急翱挾酒以登設天祥主荒亭隅再拜跪伏酹畢號而慟者三復再拜起悲思不可遏乃以竹如意擊石作楚歌招之曰蒐朝往兮何極莫歸來兮關水黑化爲朱鳥兮有味焉食歌闕竹石俱碎聞者爲傷之然其志汗漫超越浩不可禦視世間事無足當其意者獨嗜佳山水如鴈山鼎湖蛟門候濤沃

洲天姥野霞碧雞四明金華洞天搜竒抉秘所
至即造遊錄持以誇人若載七寶歸者遊倦輒
憇浦陽江源及睦之白雲邨尋隱者方鳳吳思
齊晝夜吟詩不自休其詩直溯盛唐而上不作
近代語卓卓有風人之餘文尤蘄拔峭勁雷電
恍惚出入風雨中當其執筆時瞑目遐思身與
天地俱忘每語人曰用志不分鬼神將避之其
苦索多類此婺睦人士翕然從其學前至元甲

午去家虎林西湖上前代遺老尚多存者咸自
詫見翺晚明年乙未以肺疾作而死年四十七
瀕死屬其妻劉氏曰吾去鄉千里交游惟方韶
卿吳子善最親不翅兄弟慎收吾文及吾骨授
之韶卿即鳳子善即思齊已而鳳等果至與方
幼學方燾馮桂芳翁登登之弟衡葬翺子陵臺
南以文稿殉伐石表之曰粵謝翺墓初翺以朋
友道喪盡吳越無掛劔者思合同志氏名作許

劔錄勒諸石未就復為建許劔亭於墓右從翺
 志也翺無子其徒吳貴祠之月泉書院云翺好
 修抱獨刻厲憤激直欲起古人從之游不務諧
 於流俗意所不顧萬夫莫回也每慕屈平托興
 遠遊自號晞髮子遇談勝國事輒悲鳴煩促涕
 泗潸然下士有苟合而氣志得者憎聞翺翺自
 若也所著手抄詩八卷雜文二十卷唐補傳一
 卷南史補帝紀贊一卷楚辭芳草圖譜一卷宋

鏡歌鼓吹曲騎吹曲各一卷睦州山水人物古
 跡記一卷浦陽先民傳一卷天地間集五卷東
 坡夜雨句圖一卷浙東西游錄九卷餘倣秦楚
 之際月表作獨行傳及左氏傳續辨歷代詩譜
 皆未完所選唐韋柳諸家詩及東都五體詩不
 在集中

贊曰翺一布衣爾未嘗有爵位于朝徒以被尺
 祥之知麻衣繩屨章皇山澤間若無所容其身

使其都重祿受社稷民人之寄其能死守封疆
決矣。翱不負天祥肯負國哉。翱蓋天下之士也。
昔田橫不降漢拔劍自剄客之從死者五百人。
若翱之志其有類橫之客者非邪。吾聞之任先
生云。

謝臯父傳

謝君名翱字臯父延平人蚤事科舉學有志當
世中遭兵火室家散亡購得一子軍伍中相與

竭力生產僅自給屬繇役繁興不堪迫辱日
益憤懣成疾以子粗達時務委而出遊過嚴
陵故舊館焉因娶某氏其地與婺接故常往
來兩州間積十四五年指授館下生粲然進
於文學性耿介不以貧累人所居產薪若炭
率秋暮載至杭易米卒歲少裕則資遊江海
訪前代故實著家史補唐詩人無傳者三十
餘篇傳近世隱逸數篇歲甲午與杭人鄧牧

相遇會稽結爲方外友。牧罕讀古人著述。謂文章當出胸臆。自成一家。而君記問優贍。必欲中古人繩墨。乃已。所見不合。日夜論辯。互相詆及。見牧所爲文。乃起謝曰。公不肖區區有所模擬。然法度高古。殆天才也。牧因爲言杭大都會。文士輩出。余知若干人。盍往見之。旬日別去。逮牧歸杭。君已挈家錢塘江上。問

游皆前所聞者。其信好學也。乙未秋。牧

薄遊山水間。君病篤。墾牧不至。懷以詩曰。謝豹花開桑葉齊。戴勝芊生藥草肥。九鎖山人歸未歸。蓋絕筆於此。故同姓善之。新與君交最厚。哭其舍累日。爲著哀辭。東西州故人門生。不遠數百里來吊。咸哭盡哀。奉喪去。先是君買地釣臺下。將塋。朋友無歸者。至是君塋焉。君生不得志。閑居常有憂色。語聲甚微。鬱鬱不平之氣。一宣於文。讀之使人悽愴。知其

弗壽也。婦笑然無依。子遠在二千里外。存亡不相聞。可謂窮已。嚴陵士風厚。將有集君遺藁以傳後者。志且不沒。牧歸悲惋不已。誄曰。上世之士。以文取顯耀。而君窮於文。痛哉。臯父痛哉。臯父。錢塘鄧牧著。

謝君臯羽行狀

君諱翽。字臯羽。姓謝氏。福之長溪人。後徙建之浦城。曾祖景暉。祖嘉至。其父鑰。以春秋學為婦

翁。終正字。烈所器重。嘗著春秋衍義十卷。左氏辯證六卷。藏於家。君世業。幾冠已。行聲試。有司不第。落魄泉漳間。會丞相信公。開府杖策請公。署諮事參軍。其畧見西臺慟哭記。後避地浙水。東留永嘉。括蒼四年。往來鄞越。復五年。戊子夏。至婺。遂西至睦。及杭。慕屈原懷郢都。讀離騷。二十五。託興遠遊。以晞髮。自命為詩。厭近代一意。迺盛唐。而上文規柳。及韓嘗欲倣太史法。著季

漢月表采獨行全節事爲之傳太率不務爲一
世人所好而獨求故老與同志以證其所得會
友之所名汝社期晚而信蓋取諸潮汐嘗爲許
劔錄慨時降交靡耆舊凋落盡吳越殆無掛劔
者思集同好姓字年爵居里擇地昔賢所嘗遊
作亭立石它日示宿草不忘意其遊蹟非勝絕
處不到如鴈山鼎湖蛟門候濤沃洲天姥野霞
碧鷄四明金華洞天探幽發竒所至卽以遊錄

述所賦詠多昔賢文字所未及持以與人若此
異寶歸者遊倦輒憇婺睦之江源月泉山萃巖
小爐峯三瀑布復愛子陵臺下白雲原唐玄英
處士舊隱有終焉之志且欲爲文冢瘞所爲槁
臺南甲午寓杭遺人劉氏女以女至是買屋西
湖日與能文詞者往還乙未復來婺睦尋汐社
舊盟夏由睦之杭肺疾作以秋八月壬子終蓋
於是距生年已酉四十有七矣垂歿時語妻劉

吾去鄉遠交遊惟婺睦間方某翁某數人最親
死必以赴慎收吾文及遺骨候其至以授之辛
酉計聞婺方鳳方幼學吳思齊睦馮桂芳翁登
及弟衡會小爐峯相嚮哭明日鳳與幼學方燾
先往臺南度可葬地甲子具舟之杭哭諸劉氏
劉循治命候庚午以遺骨歸殯桐廬買山營兆
所度處越明年正月二十八日丁酉窆以文稿
殉兆在故居舍人范公端臣墓右地名嚴陵

郡以著名卽其地從初志作許劍亭伐石表于
墓曰粵謝翱墓蓋君嘗入剡見戴顓墓表云然
窆之日同生年吳謙志壙其從孫貴以門人虞
而歸婺祠之月泉君遺稿在時舊所爲悉弃去
今在者手抄詩六卷雜文五卷唐補傳一卷南
史贊一卷楚辭等芳草圖譜一卷宋饒歌鼓吹
曲騎吹曲各一卷睦州山水人物古蹟記一卷
浦陽先民傳一卷東坡夜雨句圖一卷游東西

遊錄九卷春秋左氏續辨歷代詩譜未脫稿選
唐常柳諸家及東都五體在集外憶君始至時
留金華山中歲晚爲文祭信公墜天末共哭復
賦短歌行以寄餘悲自是與余爲異姓兄弟不
忍離離輒復合每卧起食飲相與語意不能平
未嘗不撫膺流涕也君好修抱獨刻厲憤激直
欲起古人從之遊其樹立有如此者顧死中年
無後翁衡與余子肖俱嘗從君授春秋未卒業

諸學者經指授率異嚮所能余雖早衰尚擬相
從盡衡霍之興歸而潛文字以老今已矣能無
痛乎姑叙顛末赴所知求爲銘且以俟後世君
子友人方鳳謹述

謝君臯羽壙誌

嚴子陵釣臺南岸唐玄英先生白雲舊隱西一
里是爲晞髮處士謝君臯羽之墓君諱翺福之
長溪人徙建之浦城曾祖景擘祖嘉父鑰母繆

氏祕書省正字烈之女君襲春秋學試有司不
第落魄泉漳間丞相信公開府嘗署諮事參軍
後遊浙東西州登釣臺慟哭公復作許劍錄思
集同好名氏築亭立石期衰暮無忘季子意
且將度臺南爲文冢異日並玄英舊隱老焉扁
其會友之所曰汐社義取晚而有信甲午由鄞
越寓杭乙未春來婺睦復如杭秋八月壬子以
疾終于婦劉氏舍距生年巳酉四十有七無子

友人吳君思齊等歸其骨買臺南地爲兆域越
明年正月二十八日丁酉窆以文稿殉從初志
也君平居與同好情甚骨肉而疾惡如讎嗜佳
山水訪故老所至滯留類遊惰士至講誦編刻
輒忘寒暑飢渴凡所著述欲直追古人不務諧
一世意所不顧萬夫莫回也晞髮本楚辭因以
名其集有詩八卷文二十卷憶君始至婺時余
二兄尚無恙仲兄命其孫貴受業從者翕然余

家浦陽江水源延吳君思齊方君鳳為江源講
經社與君汝社合余與君同年生又相好也門
祚衰薄頻年哭二兄今又哭君追念死生離合
之故何能無感愴於斯遂伐石志君年行納諸
壙且俾貴於月泉精舍祠焉吳謙謹志

山古平 宋隱士謝臯羽先生墓碑記

先生宋之義士也未仕故以隱名歿而葬此幾
三百年矣世邈代更文獻無考卒葬歲月俱不

可知唯孤塚堙漙於草莽間故里豪傳槁者輒
躡其上而穴之郡太守后峯楊公節推王泉吳
公素欽先生風誼躬詣丘壠誅茆展拜目擊其
狀即逮而罪之遂令贖鏹立石以表墓道蓋一
舉而兩得也欲垂示久遠復捐俸鑿石亭碑墓
側命兩峯鄧子為之記按郡誌先生諱翺字臯
羽閩建寧人宋末文天祥起勤王之師翺參軍
事及天祥被執翺匿民間人不知其為天祥客

也晚愛睦州山水浮七里灘登嚴光釣臺北向
舉酒以竹如意擊石歌曰魂歸來兮何極魂去
兮關水黑化爲朱鳥兮有噉焉食歌已失聲哭
人莫詰其誰何唯友人方鳳吳思齊深悲之釣
臺南有白雲源故方干所居翺率其徒游焉願
即此爲葬地作許劍錄及卒鳳等如言葬之所
著有晞髮集若干卷行于世竊詳誌傳徒撰其
跡而未得其心宋室節義之臣天祥爲冠而豪

傑舉事莫有大於勤王者先生爲天祥客而參
其軍事必志同道合始相爲謀天若祚宋天祥
不執于五坡固將大有爲矣而肯爲民間之匿
哉予知隱非先生志也清風高節自漢而後子
陵一人先生志弗獲伸耻爲夷虜絜身遠引舍
陵誰歸故棄親戚捐墳墓越數千里而投老于
此地雖玄英故居心寔慕陵風節而依附之也
誌乃謂晚愛睦州山水夫睦固有丁溪越嶂之

竒然先生計安社稷而區區山水足嬰其情哉
况登臺北向之酌擊石招魂之歌辭旨悲壯蓋
痛憤其主之被執北去故遥望以吊之自不知
哭之失聲也友人之悲亦悲其大志未遂而豈
以流落不偶惜之使當時少易厥志苟圖富貴
必通顯終身不至遺孤塚於異鄉寂寞之境然
先生寧爲此弗爲彼諒亦其衷自愛自安青天
白日有不與草木同朽腐者在而可以尋常窮

達論之邪夫始客天祥之門生得其主也終墓
子陵之側死得其所也若先生真有宋之完人
矣予猶有感焉玄英沒于唐至宋范文正公繪
像祀之先生歿于元至明楊吳二公立石表之
未究厥抱于當時而各見重名公均垂芳于異
代百年之後遇亦竒矣果潛德隱行必久始彰
而天佑忠賢其道終不爽與雖然玄英因舉進
士不第始隱較諸以宋室存亡爲進退者大不

侔後之評先生者當伯仲子陵而玄英非所擬也若楊吳二公表揚往哲以風勵後人則希文不得專其美矣楊侯名金當塗人戊戌進士吳侯名勲歙人丁酉鄉進士治郡協恭多善政邑倅胡子鎮劉子廷相宋子宥皆效勤匪石之後而樂為助者例得附書嘉靖癸丑嚴陵鄧椿謹記

晦髮集卷之六終

晦髮集後序

韓子云大凡物不得其平則鳴而况忠義之在人心有所未遂不能不形于詩歌吐為文詞以洩其憂思沉鬱之氣是氣也胡為而然也蓋天地之正氣不待生而存不隨死而亡不以成敗利鈍而有間也姑以宋事論之得是氣而成有

宋之偉績韓范富歐是也得是氣而圖
宋室于既亡文山臯羽是也其成敗利
鈍雖殊其氣之掀揭宇宙流行古今則
一也三代之後宋以忠厚立國而培養
扶植漸涵浸漬至有遺民不盡如臯羽
者夫豈偶然哉觀其杖策歸文其生也
有所爲依附子陵其死也有所歸天若
祚宋其所對立當不在韓范富歐下矣
昔人謂桐江一絲扶漢九鼎然則臯羽
招魂之歌至今讀之猶有生氣豈不足
扶宋于千百世之後哉予仕睦將三年
而于臯羽未嘗一日忘也乃尋復舊址
廓而新之人始知有臯羽之墓又得晞
髮集讀之慷慨激發不下楚詞雖出于

憂思沉鬱之餘要之不失乎性情之正
 然後知耿光遺烈猶有存焉而感發興
 起不有詩于斯乎日必也公善好書其
 嘉靖歲乙卯孟秋望日新安後學玉泉

吳勳書



王今

前

之

後

學

玉

泉

昔人謂此公一絲絲於此
 亦宋其前檢立當不亦
 亦宋其前檢立當不亦



35411

30

